

U HOOELLETSANG? BUA!

 Morena a le hlohonolofatse! Ha re tsoeng re sa eme nakoana, re sa inamisa lihloho tsa rōna. E teng kopo e ikhethang? Ha u khona, e ka tsebisoa ka ho phahamisetsa matsoho a hao ho Molimo le ho re, ka hoo, "Morena, U tseba tlhoko ea ka."

² Ntate oa Leholimo, ruri re batho ba filoeng e—e monyetla hoseng hona, ho phuthehela ka tlung ea Molimo, athe re tseba ba bangata ba ka ratang ho ba ka tlung ea Molimo hoseng hona, 'me ba likokèlong le holim'a liphate tsa maloetse. 'Me Uena u re neile monyetla ona ho tsoela kantle mona kajeno. 'Me ha re ke re tla, Morena, ho bonana, leha koana re rata bolekane ba rōna 'moho; empa hoo re ka ho etsa malapeng a rōna. Empa mona re tlide seqoqong le Eo Ea re phuthileng 'moho re le bana ba ratoang le baena.

³ Rea U leboha joale. 'Me tsela e le 'ngoe e nepileng eo re e tsebang ho kena seqoqong le Uena ke ho pota Lentsoe la Hao. Lentsoe la Hao ke 'Nete. Mona re kopanetse matla a moea. Rea a hloka, Morena. Re lokela ho fumana matla ho tiisetse lifapano tseo re li jarang. 'Me re U rapela ho romela Moea o Halalelang o moholo kajeno, le ho re natlafatsa bohle. Aba liqelo tsa batho ba Hao ba sa phuthehile ba phahamisitse matsoho ho Uena, ba re ba hloka lintho tse joalo. Arabela e 'ngoe le e 'ngoe ea tsona, Morena.

⁴ Re U leboha ka ho baballa bophelo ba Khaitseli Ungren oa rōna maobane bosiu, kotsing holimo mono tseleng. U ba hauhetse, Morena, re U leboha ka hoo. 'Me joale rea rapela, Ntate oa Leholimo, U tle u tsoelle ho ba le rōna le ho re thusa re sa kene leetong, e mong le e mong oa rōna. Re fe matla a Hao a tlamang le e—e tumelo ho tseba hobane Boteng ba Hao bo sa hholeheng bo tla hlola le rōna. Horeng eo re sa khoneng ho ithusa, rea tseba "Mangeloi a Molimo a larile le ba Mo tšabang, 'me A tla re khakeletsa esere leoto la rōna la khotjoe ke lejoe." Re U rapela ho re fa mahlohonolo a Hao bakeng sa Lentsoe, le ho bua ka rōna, le ka ho rōna, ka Lebitso la Jesu Kreste. Amen.

⁵ Ke motlotlo haele moo mahlaseli a kantle, letsatsi la sebaka, le chabile. Hoseng hona ho no ho tšabeha haholo. 'Me ke nahana, naheng ena, haholo, re sareloa haholo, ka baka la boso bo sithabetseng. 'Me ho bona letsatsi le chabile, le hlahile, ho hotle haholo.

⁶ Re na le 'mokanyana oa lelapa kajeno, ke kopana le baena baka, 'me ba holimo koana lapeng ha khaitseli, le maloko a rōna motseng mona le ka mathoko. Ma-Branham ke

sehlophahali. Ha ba ka phutheha bohle ba e-tsoa Kentucky, ba kena mona, koana re ka tlameha ho hira motse; ba bangata haholo. E mpa e le 'moka oa ho khutlela hae. Bohle re ne re tloaetse ho bokana ha 'mè, eena e le tšiea ea khale e re bofang bohle 'moho, ntho e kang eo. Empa Molimo o isitse tšiea e tlamellang Leholimong, 'me ke tšepa bohle re tla kopana mono tsatsi le leng.

⁷ 'Me joale ke buile tsatsi le leng, ka re, "U a tseba, ke kholoa ke tla—tla khaola melaetsa ea ka ea Sontaha ho metsotso e mashome a mabeli, 'me—'me, kapa e mashome a mararo, ke ntoo rapella bakuli." 'Me ke ile ka nahana hoo hoseng hona.

⁸ 'Me maobane bosiu ke ile ka nahana, ha Khaitseli Downing a ne a mpitsa a rialo, a letsetsa Billy a re eena le Khaitseli Ungren tseleng ea bona e nyolohang, ba thelletse tseleng ba hlahetsoe ke kotsi. 'Me eare Billy a sa le sefentereng, ho ella, ha ke tsebe nako e ne e le mang; mohlomong hoseng hona, nako e 'ngoe. Esale ke robala nakoana. Eaba ke sheba nq'a Moena Wood, mabone a tinngoe. 'Me eaba ke khumama feela ho rapela, 'me ha ke etsa, Ntho ea re ho 'na, "Ho itoketse." Ka baka leo ka bolella Billy, "'Molelle, 'Ntho e 'ngoe le e 'ngoe,' ka nahana, 'e tla loka.'" Ke thabetse ho ba bona ka hare hoseng hona, ba lutse ka tlung ea Morena, ba khutletse mona ka mora tsela.

⁹ Batho ba u ratang hakaalo, ba tsamaea limaele tse makholo ho utloa Evangel, eaba kea nahana, "Molaetsa oa mashome a mabeli, athe ke lenama hakana, o ke ke oa loka." Ka baka leo ka hopola feela...o mokaalo.

¹⁰ Ka hona, ho utloa Moena Ungren, mora oa hae, hoseng hona, a bina, "U Moholo Hakakang." O na le...O bohlokaoa haholo hoseng hona ho feta maobane thapama, kahobane Molimo o moholo oa Leholimo o babaletse, 'mè morautoa oa hae le khaitseli.

¹¹ Joale, kajeno, re lebeletse nako e kholo Moreneng. 'Me mona ke ne ke shebile lithero tse peli kapa tse tharo, 'me ha kea khona, ha kea khona ho lekanya eo ke tla bua ka eona hoseng hona. E 'ngoe ea tsona e le, "Lahlelang lipelaelo tsa lona ho Eena, hobane O a le hlokomela. Joale, haeba A tsotella, hobaneng uena u sa etse joalo?"

¹² Eaba e mong, Billy Paul, kapa e seng Billy Paul... Mora e mong, Joseph, o ntliselitse theron ena khale. A lutse ka phaposing tsatsi le leng, eaba o re, a shebile senepe, 'me Billy...Kapa, Joseph o rata likepe haholo, joaloka bashanyana; likepe le lipere, u a tseba. 'Me o itse ho 'na, "Ntate, na Jesu o na le sekepe?"

'Me ka re, "Ha ke tsebe."

¹³ Hoba a eme a tsoe, ka nahana, "Na ebe O na le sekepe?" 'Me ka qotsa theron mono, 'me ka e tšoaea bukeng ea ka tlase

mona, "Na ebe Jesu o na le sekepe?" 'Me eaba kea nahana. Mohla A leng lefatšeng mona, A tlameha ho alima popelo ho tsoalloa teng, lebitla ho patoa ho lona, sekepe ho rera ho sona, empa Ke Moqhobi oa sekepe sa Sione. Ehlide, O na le sona. Empa, lithero tseo ke neng ke li hopotse tsohle, ka hopola nka li tšoara hamorao, pele re tloha ho khutla.

¹⁴ U a tseba, ke rata ho bua tabernakeleng mona, hobane ke kereke ea rōna. Re ikutloa re phuthulohile ho bua seo Moea o Halalelang o se buang. Libakeng tse ling, leha monna a ka batla u ikutloe u amohetsoe, u ikutloa u petetsane hoba u le—le kerekeng ea motho e mong, 'me u batla ho itšoara ho hlompha mehopolo ea bona—bona le thuto ea bona.

¹⁵ Ebile monyaka vekeng ena tlase tulong ea Moena Burcham mono. 'Me ka kena fektering moo ba etsang chisi. Kea 'mona eena le mohatsa'e, le mora le bao, ba teng hoseng hona. Esale ke hopotse fekteri ea chisi e itšoanela le litulo tseo ke li etetseng, oh, bohlasoa le litsila. Khele, nka bua ntho e le 'ngoe, u ka kholiseha tulo eo ha e bohlasoa. E le tulo e hloekileng ka ho fetisia eo nkileng ka kena ho eona, haholo fektering. 'Me ke sa ka ka elelloa; ka nahana, oh, mohlomong ba etsa liponto tse lekholo tsa chisi ka letsatsi. 'Me ba etsa litono tse tšeletseng ka letsatsi, 'me ho sebetsa lifekteri tse tharo. Ka nahana, "Oh, khili, ke mang ea jang chisi eo eohle?"

¹⁶ Empa Morena o hlohonolofalitse monna enoa. Ke bile le monyetla ho kena tlung ea hae, lelapa le letlenyana, mosali ea inehetseng. 'Me ha ba na lebaka la ho se phelele Kreste letsatsi ka leng, kamoo ba etsang. Ka kopana le bara ba hae, 'me ke bana ba imametseng. Re motlotlo ka bolekane ba rōna.

¹⁷ Ke fumane molisa oa bona oa mehleng e—e le monna eo ke mo tsebang, Moena Gurley, monna ea lokileng haholo oa tumelo ea United Pentecostal, eo ke kopaneng le eena lilemo tse fetileng, Jonesboro, Arkansas. 'Me ke sa tsebe hore ba ne ba . . . e ne e le molisa oa hae eo, le hona.

¹⁸ Joale le hopole litšebeletso mantsiboea ana. 'Me hape, ha Morena a ratile, re tsepile ho bua hape Sontaha se tlang. 'Me hape ke nahana Sontaha se tlang ke tlameha ho ea Chicago. Ke tla tsamaea nakoana, ke tlameha ho khutlela hae le lelapa, morao, kapa morao Arizona bona, bana, ba tle ba khone ho ingolisa sekolong hape. Ebe re khaotsa ho khathatsa molisa, ka ho nka litšebeletso tsa hae.

¹⁹ Ka hona, re motlotlo haholo ho Moena Neville ka kamohelo ea hae, u a tseba, ea—ea ho 'mema. 'Me o tjena, che . . . Ke rata, moena, monna ea joalo, ha a na mano, ha a na boitšepe, ke Bokreste ba makhonthe feela. Ke rata hoo.

²⁰ Joale re tlil'o bala Lengolo nakoana re ntoo bua. 'Me ha ke tsebe na re tla tsoa ka nako mang, Melaetseng e melelele ena, empa ke nahana . . . Tsatsi le leng ke buile ka ho bua lolololo

hakana, eaba motho o re, “Be, joale, holane u—holane u bua metsots e ’maloa feela; u batla u bua ka liphiri, le hona,” ho re, “re—re ne re sa tl’o utloisisa.” Ho re, “”No bue feela, e tla tsoa ka mora nakoana,” a rialo. Mohlomong Morena o batla ha re e sebetsa joalo.

Ha re inameng hape.

²¹ Morena, Lentsoe la Hao le robetse le phetliloe sefaleng, ’me tsatsi le leng rea elelloa Le tla koaloa khetlo la Lona la ho qetela, ke moo Lentsoe le tla fetoha nama. ’Me ebile re—re motlotlo ka nako ena hoseng hona. ’Me ako re bulele, ka Moea oa Hao o Halalelang, likahare tsa Lentsoe lena leo re tlangu ho le bala. Moea o Halalelang a re rute kajeno lintho tseo re tlamehang ho li tseba. ’Me rōna hape, re khutlisetse, ka ho mamela Lentsoe ka leng ka hloko, re Le bee sekaleng ka botebo. ’Me bao ba mametseng ka teipi, ba mamele ka hloko. ’Me re khone ho qhautsa seo Moea o Halalelang o lekang ho re senolela sona. Hoba rea elelloa, haeba A ka re tlotsa, ke moo tlolo e seng ea lefeela. E tlisoa ka morero, e tle e sebeletse molemong, oa Morena. ’Me lipelo tsa rōna le kutloisiso li buloe, Morena.

²² Re fuoe tokoloho ho bua, le tokoloho ho utloa, le katamelotumelong, ho lumela seo re se utloileng, se tsoa Lentsoeng la Molimo; se re tsoele molemo, Bophel long Bosafeleng, Letsatsing le leholo le tlangu ho tla. Re hlohonolofatse kajeno. Re khaleme ha re fositse. Re tsebise liphoso tsa rōna. Le ho re hlohonolofatza ka mokhoa o lokileng, re tle re tsebe na re ea nq’ a efe, le ho tseba ho itšoara lefatšeng lena la joale; re tlise tlota, ka ho phela ha rōna mona, ho Jesu Kreste, Ea shoetseng ho re tlisetsa Bophelo ka mora ntho e kholo mona. Re kopa sena ka Lebitso la Jesu. Amen.

²³ Joale ke batla ho bala libaka tse peli feela Mangolong, hoseng hona. ’Me le leng la oona feela le fumanoa Bukeng ea Exoda. Bonneteng, bobeli a tsoa Bukeng ea Exoda. Le leng, khaolo ea 13, le temana ea 21 le ea 22. ’Me le latelang ke khaolo ea 14, litemana tsa 10, tsa 11 le tsa 12. Joale ke tla bala ho Exoda 13:21.

JEHOVA o ne a ba eteletse pele ka topallo ea leru motšeare, ho ba bontša tsela; le ka bosiu... topallo ea mollo, ho ba bonesetsa; hore ba tsamaee motseare le bosiu:

Topallo ea mollo e ne e sa suthe kapele ho sechaba motšeare, leha e le topallo ea mollo bosiu.

²⁴ Joale ho Exoda 14, le temana ea 10.

Eare ha Faro a atamela, bana ba Iseraele ba lelatsha mahlo, ba bona, Baegepeta ba ba phalletse; ’me ba tšoha hampe: bana ba Iseraele ba hooeletsa ho JEHOVA.

*Ba re ke hona... Moshe, Hleka ho ne ho...
(ntšoareleng)*

Ba re ho Moshe, Hleka ho ne ho se mabitla Egepeta, ha u re tlisitse ho shoela lefeelleng na? U ne u re etsa'ng, ha u re ntša Egepeta?

Na hase eona taba eo re u boleletseng eona Egepeta, ra re, Re tlohele re sebeletse Baegepeta? Ho ne ho le molemo ho rōna ho 'na re sebeletsa Baegepeta, ho fetisa ho tla shoa lefeelleng.

25 Ke tla bala litemana tse 'maloa hape.

Eaba Moshe o re ho sechaba, Se tšoheng . . .

Mamelang ka hloko mona.

... Moshe a re ho sechaba, Se tšoheng, ikemeleng, le bone pholoso eo JEHOVA a tla le etsetsa . . . kajeno: hobane Baegepeta bao le ba bonang kajeno, ha le sa tla hlola le ba bona hape le ka ho sa feleng.

JEHOVA o tla le loanela, haele lonaikhutsetseng . . . JEHOVA a re ho Moshe, U ntse u hooelletsang ho 'na? borella le bana ba Iseraele, hore ba tsamae:

Haele uena emisa lere la hao, u otollele, letsoho la hao holim'a leoatle, u le phatbole: bana ba Iserale ba tsamaee har'a leoatle moo ho omileng.

Haele 'na, bona, ke tla thatafatsa pelo tsa Baegepeta, ba tle ba le sale morao: 'me ke tla tlottleha ka Faro, le ka sera sa hae kaofela, le ka makoloi a hae, le ka bapalami ba hae.

Baegepeta ba tla tseba hoba ke 'na JEHOVA, ha ke tlottlehile ka Faro, ka makoloi a hae, le ka bapalami ba hae.

Lengeloi la Molimo, le eteletseng makhotla a Iseraele pele, la tloha la tla ema ka mora; 'me topallo ea lerus ea tloha kapele . . . ho bona, ea fihla ea ema kamora bona:

Ea tla ema lipakeng tsa ntoa ea Egepeta le tsa ntoa ea Iseraele; . . . eba maru le lefifi ka 'nq'e 'ngoe, ka 'nq'e 'ngoe ea bonesa bosiu: ha ba ka ba atamelana bosiu bohle.

Moshe a otollela letsoho la hae holim'a leoatle; 'me JEHOVA a suthisa leoatle ka moea o matla oa bochabela o fokang ka bosiu bohle, leoatle a le fetola mobu o omileng, 'me metsi a phatloha.

Bana ba Iseraele ba tsamaea kahara leoatle mobung o omileng: metsi ea eba lerako ho bona ka letsohong le letona, le ka leqeleng.

Baegepeta ba ba phallela, ba kena kamora bona kahara leoatle, ka mapere a Faro kaofela, makoloi a hae, le bakalli ba hae.

Ka tebolo ea meso, JEHOVA a shalima lekhotla la Baegepet a le topallong ea mollo le...leru, 'me a tserehanya lekhotla la Baegepeta,

A pshemola oona maoto a makoloi a bona, hore a tsamaisoe ka boima: eaba Baegepet a ba re, A re baleheleng Baiseraele; hobane JEHOVA o a ba loela o loantša Baegepet.

²⁶ Lentsoe la Morena le phahame hakakang, le molemo, ha ho mokhoa oa ho emisa ho Le bala. Le fetoha Bophelo feela, re sa Le bala. Ke nahana, therong ena hoseng hona, leha koana e hatisoa, ke batla ho bua sena qalong, ho fumana, kea iphumana. 'Me lebaka leo ke... Maobane, eare ke sa bala, 'me ke oelana le sehlooho sena, eaba kea nahana, "Ke tla tloha feela, ha Morena a ratile, ho bua ka eona, hobane se a ntšilakanya." 'Me ke tšepa se tla re silakanya, re tle re bone, re tle re lelale; le ho hlahloba nakoana, ka ho bapisa letsatsi la mohlang oo, e... ho fihlela letsatsi la joale.

²⁷ Ke batla ho qotsa mantsoe a mararo e le therio, 'me oona ke: *U Hooellets'a'ng? Bua!* Molimo o boeletse Moshe, mona temaneng ea 15, "U hooellets'a'ng ho 'Na? Bua le sechaba, se tsamaee." 'Me: *U Hooellets'a'ng? Bua!*

²⁸ Joale, re tšoarane le sehloho sa setonana, 'me ke tla leka ho potlaka kamoo nka khonang, ho latela boetapele ba Moea o Halalelang. 'Me ke batla ho nahana ka e...ka sehloho sena, ka Moshe ea hooeletsang ho Molimo, nakong ea tlakotsi; 'me Molimo a boela a mo khalema Moshe, athe tlakotsi e ne e—e tšoloha. 'Me ke tlhaho feela, eka, ho motho ho hooeletsa. 'Me ebe e—e khalemelo e kakang e tsoang Molimo ho retoloha a mo khalemella ho rialo, ho hooeletsa ho Eena. Eka taba e thata haholo.

²⁹ Khafetsa hare talima Mangolo, ka tsela ea rōna ho sheba, eka ho thata. Empa ha re ka Le hlahloba nakoana, re fumana Molimo rabohlale-bohle O tsebisisa se a se etsang. 'Me O tseba mokhoa oa ho sebetsa lintho tsena le ho sebetsana le motho. O tseba se kahare ho eena. Eena, O a mo tseba. Rōna che. Ruri re tseba ho tsoa ntlheng ea hlalefo. O tsebisisa se hlileng se le kahara motho.

³⁰ Moshe o ne a tsoaloef lefatšeng lena, 'me e le moshanyana ea ruileng neo. A tsoaletsoe ho ba moporofeta, moloaneli. A tsoaloa a ruile sehlomo se tsoaletsoeng ka ho eena, se ka motho mang le mang ea tleng lefatšeng lena a tsoetsoe ka sehlomo sena, ke hlile ke kholoa ruri teng—ho boitsebelopele ba Molimo, boitherelopele.

³¹ "Molimo ha o rate ha mang a ka timela, empa e le hore bohle ba finyelle pakong." Empa, erekha ha e le Molimo, O ne a tlamehile ho tseba, 'me ho joalo, "o tseba qetello esale qalong." Ua bona? Haeba A se joalo, etlabe E se mohloka-pheletso; 'me

haeba E se mohloka-pheletso, etlabe E se Molimo. Ka baka leo A sa rate, ruri, hore mang a ka timela, empa O—O tsebile ea tla timela le ea ke keng a timela. Ke lona lebaka, oona morero oo Jesu a o tletseng lefatšeng, e ne e le ho pholosa bao Molimo, ka boitsebelopele ba Oona, a ba boneng ba batla ho pholosoa, ua bona, hobane lefatše lohle le ne le ahlotsue. 'Me ha ke bone re be re ka e ruta joang ntle le boitsebelopele ba Molimo, 'me Bibebe e boletse e hlakile e re O "tseba qetello esale qalong," 'me a ka e bolela.

³² Ka baka leo, ha e—e motho a leka ho iketsa seo ba seng sona, ba mpa ba qopitsa, 'me ho se ho se hokae e tla u tšoara. Libe tsa hao li tla u tšoara. U ke ke ua li koahela. Sekoahelo sa sebe se seng feela, ke Mali a Jesu Kreste, 'me A ke ke a tlotsoa haese ha Molimo a u bitsitse esale lefatše le theoa. Mali a tšoletsue morero oo; e seng ho hatikeloa, le ho songoa, le—le ho sebeletsoa, le—le buuoia hampe, le—le lilo tse joalo. A ne a reretsoe morero o ikhethileng. Ke hantle. E seng ho bapala ka oona, e seng ho qopitsa, ka ho bolela libe li koahetsoe athe ha lia koaheloa. 'Me ha ho motho ea ka koahelang libe tsa hae lebitso la hae le sa ka la ngoloa Bukeng ea Bophelo ea Konyana pele ho motheo oa lefatše. Jesu o boletse, ka Boeena, "Ha ho ea ka tlang ho 'Na a sa huloe ke Ntate oa Ka pele. 'Me bohole bao Ntate a," lekhathe-le-fatile, "Neileng bona, ba tla tla ho 'Na." Ke hantle. Ka baka leo u ke ke ua buisa Mantsoe leshano. A beetsoe ho 'Nete le tokiso.

³³ 'Me Moshe o tsoetsoe ka neo ea tumelo, Moshe o ne a ruile tumelo e kholo. Rea e bona, kamora nakoana, e tsoa ka ho eena. 'Me a tsoalloa lelapeng le leholo, kamoo re tsebang ntatae le 'ma'e, ba tsoile lelokong la Levi. Etsoe, pale mona, pele ho mona, Bukeng ea—ea Exoda, e taka bophelo ba semelo se seholo sena. 'Me e le e mong oa—oa limelo tse kholo tsa Bibebe, kaha e ne e le papiso ea Morena Jesu a tiile.

³⁴ Tsoalo ea hae e ne e hlolla, joaloka Morena Jesu. O hlahile mehleleng ea hloriso, joaleka Morena Jesu. O tsoaletsoe boloaneli, joaleka Morena Jesu. A patoa ke batsoali ba hae, a pateloa sera, joaleka Morena Jesu. 'Me eaba o fihla nakong ea tšebetso ea hae, joaleka Morena Jesu. E ne e le moetapele, joaleka Morena Jesu. E ne e le moporofeta, joaleka Morena Jesu. 'Me e le moaba-molao, joaleka Morena Jesu.

³⁵ 'Me re mo fumana a shoetse holim'a Lefika, 'me o tlamehile a ba tsohile le sohle, hobane, lilemo tse makholo a robeli hamorao keha a eme Thabeng ea Phetolelo, a buisana le Morena Jesu. Ua bona? Mangeloi a kile a mo jara. Ha ho mang ea tsebang moo a patiloeng. Esita le diabolosi ha a tseba. Bonneta, ha ke lumele a kile a patoa. Ke—ke lumela Molimo a mo jere a tsamaea le eena, 'me—'me o shoetse hlim'a Lefika le esale a le setse morao bophelo ba hae bohole.

³⁶ 'Me e ne e le papiso e phethahetseng ea Kreste. E ne e le morena oa sechaba. E ne e le moaba-molao. E ne e le e—e ne e le e—e 'maballi oa batho. E ne e le ntho tsohle, e—e papisong, le seo Kreste a na a le sona.

³⁷ Joale, hape, ho 'mona a tsoetsoe ka lineo tse kholohali tsena le semelo kahare ho eena, ho hlokiloe ho Hong ho halima mono, ho tsosetsa hoo Bophelong.

³⁸ Ua bona, ka tšoanelo peo ea Molimo e beiloe ka ho rōna esale ho theoa lefatše. 'Me Leseli leo ha le halima la ho qala le khahlola peo eo, Le e a e Phelisa, empa pele Leseli le tlameha ho chabela peo.

³⁹ Mokana ke rutile khafetsa ka mosali selibeng, a le maemong ao. Leha koana e le—e le motho e mobe, leha koana bophelo ba hae—hae bo nyehlile, 'me a kene maemong ao ka hobane meetlo e sa ka ea mo ama, empa, koana, eitse ha Leseli leo le mo tea, a Le lemoha kapele, hoba ntho e ne e le teng mono ho Le arabela. "Ha boliba bo arabelana le Boliba," eka khona ho be le Boliba nq'a e 'ngoe ho arabela pitso eo.

⁴⁰ 'Me Moshe mona o tsoetsoe e le moporofeta enoa, a mpa a holetse sekolong sa hlalefo le paleising ea Faro. Faro Seti, eo a holetseng tlas'a hae, e le monna ea hlomphehang, a bile a lumetse Josefa e le moporofeta oa Morena. Empa eaba Seti o hlahlangoa ke Ramsese, 'me Ramsese a sa natse Josefa. 'Me ka hona, le hona, 'me ke mohla bothata bo ne bo qala, joale, mohla ho hlahang Faro ea sa tsebeng Josefa.

⁴¹ Empa limelo tsena tsa litonana, ha re bueng ka tsona nakoana, 'me, pele re finyella sehlolahlo sa ther. Mokhoa oo ke hlophisang ther o a hlolla, ke ntoo haha nq'a ho oona, 'me Morena a re thuse hoseng hona re sa haha re tobile hoo.

⁴² Moshe, eaba o tsoaloa ka neohali ena ea tumelo. Hape, a tlotsoa a rongoa sehlahleng se tukang, ho lokolla batho ba Molimo. Joale, bonang limelo tsa litonana tse beng li ruuoe ke monna enoa! O ne a tsoaletse sepheo se ikhethang. Molimo o ena le morero ka eona.

⁴³ Molimo o na le morero ka boteng ba hao ka mona. Ua bona? Holane feela u ka khona, ua fihla sebakeng seo, u ka baballa Molimo le uena bothata bo bokakang, le hona.

⁴⁴ Moshe o tsoetsoe, 'me hape eena, hamorao, a tlisoa e—e moo a tlotselitsoeng teng. 'Me, lemohang, mono keha ho robetse peo ea kutloisiso ea hlalefo, athe o tsoetsoe ka tumelo eohle ho lopolla batho bana, empa ea sitoa ho Phela hofihlela Leseli le tsoang sehlahleng se tukang le halima holim'a eona; hofihlela a bone, e sang letho leo a le balileng, empa leo a le boneng ka mahlo a hae; Ntho e buileng le eena, a boela a bua le Eona. Oh, kamoo seo se ileng sa Phelisa lintho.

⁴⁵ Ke nahana monna ofe ea nang le e...kapa mosali, moshanyana kapa ngoanana. 'Me kea nahana, seo ba nahangan

Lentsoe le le sona ho latela kutloisiso ea hlalefo ea bona, le lintho tse joalo, ba ke ke ba ema holim'a motheo o tletseng pele ba kopane le Leseli leo le fetolang Lentsoe leo 'nete.

⁴⁶ 'Me ke nahana ho se kereke tšebetsong ea eona, ho sa natse hlalefo ea eona le motheo oa eona, kereke eo e ke ke ea atleha pele Mohlolo o tsebahatsoa har'a batho bao, 'me ba bile ba o bona. Ntho eo ba ka buisanang le eona, e ka buisanang le bona, e netefatsang Lentsoe lena le ngoliloeng.

⁴⁷ Joale hopolang, mohla Moshe a ne a kopana le sehlahla se tukang sena, Lentsoe leo la na la netefatsoa ka ho hlaka. E ne e le Lentsoe. Moshe o ne a sa tlameha ho toute, "Ebe Puo ee eohle e bolela'ng? Ebe Boleng boo ke'ng?" Hobane, Molimo o sa na ngole Lengolong, ho Genese, ha thoe, "Sechaba sa heno se tla jaka naheng ena esele, empa ba tla holloa hoba ho fete lilemo tse makholo a mane, ba boele naheng ena hape, hoba e—e bokhopo ba Baamore ha bo ea so tlale." Joale, makholo le makholo a lilemo pele ho moo, Molimo o ne a boletse, "Iseraele o tla jaka a tujoe naheng esele, a lule mono lilemo tse makholo a mane. Empa Molimo, ka letsoho le matla, a ba ntše." Ka baka leo, u a bona, ka sehlahla se tukang sena . . .

⁴⁸ Moshe o tsebile sena, ka hlalefo. 'Me peo e tsoetsoeng ka ho eena, keha e larile ka pelong ea hae. 'Me eaba o a leka, ka boitsebelo ba hae ba hlalefo ka Lentsoe, ho leka ho—ho—ho ba ntša, ho ba lopolla, hoba a itsebile a tsoaletsoe morero oo. O tsebile hoo, eona nako. Lengolo le se le ba tlalehile ba qetile lilemo tse makholo a mane mono.

⁴⁹ Le rōna joale rea tseba, etsoe monna a mpotsitse nakoana e fetileng, mabapi le ho Khutla le Hlobilo. Rea tseba. Re se re phetse re qetile sebaka, nako ea Hloibilo e atametse, 'me re batlana le tumelo e hloibilang e ka matahanyang Kereke 'moho ea e nea matla a mohlolo, a ka fetolang mebele ena eo re phelang ho eona. Holim'a re bona Molimo o ka tsosang mofu mokatong kapa ka jareteng, le ho boela a mo phelisa a mo hlahise pel'a rōna, ha re bona Molimo o nkang mofetše o kokonneng monna ebe seriti a boele a tsohe ebe monna ea matla ea koenneng, hoo ho tlameha ho abela batho tumelo e hloibilang. Hono, mohla Leseli leo le halimang sebakeng, le teromepete e lla, 'Mele oa Kreste o tla phuthoa 'moho ka potlako, le ho fetoloa ka nakoana le ho nkelo Maholimong. E, ntho e kang eo e tlameha ho hlaha. 'Me likolo tsa rōna tsa thutamolimo li ke ke tsa e hlahisa, leha koana ho latela hlalefo li itoketse. Empa u tlameha ho kopana le Leseli leo! U tlameha ho fumana Ntho eo e itseng.

⁵⁰ 'Me Moshe mona, o ne a tšetlehile pitso ea hae e kholo Lentsoeng, 'me e ne e le kholo, hofihlela tsatsi le leng a kopana le Leseli lena, 'me lona Lentsoe Bolona la boela la bua le eena. Eaba o fumane tlolo ea hae. Hoo ha tlotsa seo a na a se bolokile

ka ho eena, se leng kahare, e—e lihlalefo tse neng li e lumela, tumelo e neng e theiloe ho kholoeng ha hae ho Molimo, e ile ea mo arohanya le 'm'ae. 'Me eare joale ha a itlhahisa Pontšeng ea Leseli lena, La tlotsa seo a se lumetseng. Ua bona? Tlolo e kakang! 'Me eaba o a rongoa.

⁵¹ Joale, rea tseba, o ne a utloile 'm'ae ka hlalefo. O tsebile se tla hlaha, 'me o tsebile hobane o phela letsatsing leo. Empa mona a iphihlela a fentsoe, mohlomong eaba o...ekaba tumelo ea hae e bile ea chechella morao nakoana. Empa eare ha a fihla ka pel'a sehlahlala, Molimo oa re, "Ke utloile mefehelo ea sechaba sa Ka, 'me Ke hopola tšepiso ea Ka ho bontat'a bona, Abrahama, Isaaka, le Jakobo, 'me Ke theohile." "Ke," mono, e—e leemeli la motho, "Ke theohile ho ba lopolla."

⁵² 'Me joale, 'me na nka ekeletsa sena haeba se...Molimo a ntšoarele haeba se utloahala se thunthetsa borapeli. "Ha Ke sebetse holim'a lefatše, haese ka motho. Ke—Ke—Ke 'na sefate sa Morara; lona le makala. 'Me Nka Itlhahisa ha feela Nka fumana motho. 'Me Ke khethile uena, 'me Ke u romela tlase mono ho ba ntša." Ua bona? Joale lemohang, "Ke tla lula molomong oa hao, 'me Ke...nka lere lena."

⁵³ 'Me Moshe a re, "Na nka bona kholiseho ea hobane U tla nthoma, le ea hobane U ntlotositse, le hobane U tla etsa lintho tsena?"

Ha thoe, "U tšoere'ng letsohong la hao?"

A re, "Ke molangoana."

Ha thoe, "U lahlele fatše." Ua fetoha noha. A e balehela.

⁵⁴ A re, "E thonake." Ea boela ea eba molangoana. Ha thoe, "Kenya matsoho a hao sefubeng sa hao." A le ntša, keha le tletse lepera. Le busetse, 'me le ne le phekotsoe.

⁵⁵ Ha thoe, "O bone khanya ea Molimo." Potso ha e sa le teng, ho Moshe. Na le lemohile, a se ke a hlola a khutlela lefeelleng? A tseba hobane o tlotsitsoe. O tsebile sebaka, lintho tsena tsohle esale li lutse pelong ea hae, melemo e meholo ena e khabane, 'me eena...joale e ne e tlotsitsoe. Eena, o itokisitse. O itokiselitse ho tsamaea. Ka hona a theohela tlase Egepeta.

⁵⁶ Molimo o na a boletse, "Ke tla ba le uena," ka hona hoo—hoo ke phetho. Haeba, "Ke tla ba le uena," ke phetho seo Moshe a hlokileng ho se tseba, bakeng sa pitsohalí ena e ka pelong ea hae. 'Me joale Molimo o boletse, "Ke tla ba le uena."

⁵⁷ Joale, hape Molimo o ne a boetse a a nefalitse, maipolelo a eena Moshe. Boipolelo ba Moshe, "Ke kopane le Morena. 'Me O ntaetse ho le bolella, 'EA LENG TENG' o nthomile." Ua bona?

⁵⁸ Joale ba itse, "Monna ke enoa, Mojude e mong, koana ekaba le leng la mahlanya a 'nileng a hlaha ka linako tsohle ba lohile leano lohle ho re holla bokhobeng" 'Me le tseba boitšoaro ba batho haele makhoba, kapa ba kene bokhobeng ba ntho, ho ee ho hlahe qhekanyetso ea mefuta, u a tseba, ho e etsa.

⁵⁹ Ka baka leo, Moshe, Molimo oa tsepisa Moshe, “Ke tla ba le uena. Ke be ka ho uena. Mantsoe a Ka ebe Mantsoe a hao. Uena bua Mantsoe a Ka ’me u bue feela seo Ke se buang.”

⁶⁰ ’Me joale eare ha Moshe a theoha ho ba tsebisa thomo ena, le ho ema pel’ a Faro, a ’molella, “Morena Molimo oa Baheberu o boletse, ‘Ako ntše bana.’” ’Me eaba o hana ho ba lesa ho ikela. Ka hona a—a hlahisa pontšo pontšeng ea baholo le pontšeng ea Faro, le lipontšo tseo Molimo a li hlahisitseng. A re, “Joale, hosane, ka nako e kang ena, letsatsi le tla likela. Lefifi le tla khurumetsa Egepeta,” ’me eaba e hlaha ka nepahalo eo. ’Me eaba o re, “Ho—ho tla hlaha lintsintsi holim’ a e—holim’ a lefatše,” eaba o otlolla letsoho la hae a bitsa lintsintsi, ’me lintsintsi tsa hlaha. Le hona a porofeta, ’me sohle seo a se porofetileng sa hlaha ka ho tšoana. E ne e le Molimo. Ua bona?

⁶¹ Molimo oa ’mitsa esale le tsoalong ea hae, oa mo hlomela ka lihlomo, tsa tumelo e kholo, oa ntano theoha ka Boteng ba Oona oa mo tlotsa nthohali eo e ka ho eena, oa mo roma ka Lentsoe la Oona, ’me koana maipolelo a hae a netefatsoa. Ho sa natse mampara a hlahileng, ho hlahile tse kana kang, Molimo o no o bua mono... Moshe o ile a tsebahatsoa. Moshe, seo Moshe a se buileng, Molimo oa se tlrtlisa. Ha ke batle ha le ka lebala Lentsoe leo le ka mohla. Seo Moshe a se boletseng, Molimo oa se tlrtlisa, hobane Lentsoe la Molimo le ne le lutse ka ho Moshe. “Ke tla lula molomong oa hao; o tla bua tse loketseng.” Joale, seo Molimo a se buang—seo Molimo a se buang, O se bua ka Moshe, ’me ho ile ha kholisoa hoa netefatsoa maipolelo a hae.

⁶² Hape, ’m’ae o na a ’moleletse, ka tsoalo e hlollang ea hae, le kamoo lenaka la nako le ne le atametse hora ea tokoloho. Amrame le—le Jokobeta, bara le morali oa Levi, ba qala ba rapela Molimo ho romela moloaneli. ’Me ho qosa... ekare ha le bona nako ea tsepiso e atamela, e hlahlela batho thapeleng le tlaleng. ’Me ha ho pelaelo hore—hore Jokobeta o ’moleletse khafetsa, ’mè oa hae; kaha e ne e le molebeli oa hae, hape, kamoo re tsebang pale. ’Me a ’molella kamoo a kileng a rapela. “Me, Moshe, hlahong ea hao, mora, u ne u le ngoana e motle. Keha u fapane. Ntho e ne e etsahale tsoalong ea hao.”

⁶³ Nkile ka tšoantšetsa bana terama ea eona, nakoana e fetileng, ka re, “Eare Amrame a sa le phaposing ho rapela, a bona Lengeloi le tsomula sabole ea Lona le supa nq’ a Leboea, le re, ‘U na le ngoana, ’me o tla isa bana Leboea lefatšeng la pallo.’” Ke tšoantšetsa bana ba tle ba utloisise; etsoe hlalefo ea bona eso finyelle malulo a lona baholo, le khona ho qhautsa lintho kamoo Moea o Halalelang o le senolelang eona.

⁶⁴ Joale, leha ’m’ae a ’moleletse lintho tsena, o bile a e tseba, empa o na a hloka kamo e ’ngoe. E—e thuto e ne e itoketse, a mpa a hloka kamo ea hae ka boeena.

⁶⁵ Lefatše le hloka hona hoo kajeno. Kereke e hloka hona hoo. Mang le mang o hloka hoo, joaleka bara le barali ba Molimo. Ho fetoha hoo, u hloka kamo bo-uenia, ua bona, Ntho e itseng. Ho sa tsottelehe, u a tseba Lentsoe le nepile, u a tseba Le lokile; empa ka nako ha le hokahana, ebe moo u bonang ntho e etsoa, u tla tseba hobane u tseleng e nepileng. Ua bona? 'Me, sheba, e tla lula e khema le Lengolo. E tla tsepama le Lengolo hantle, hoba sena se entse hoo.

⁶⁶ Thapelo ea Amrame e ne e khema le Lengolo ka nepo. Lithapelo tsa bona li ne li khema le Lentsoe la pallo. Molimo o no o tšepisitse ho e phethisa nakong eo. Ba e rapeletse, eaba ho hlaha ngoana e motle enoa. 'Me bona . . .

⁶⁷ Shebang! Oh, ke rata sena! Ua bona, horeng eo Faro a bolaeang bana bohole, ua bona, a ba nyeka ka e—ka sabole, sabole ea balebeli; bona, ba hlabile bana bana ba ba bolaea, ba ba fepa likoena, 'mejana eo, likoena tsa ba tsa nontšoa ke mebele ea bana ba Baheberu. Empa Bibele e boletse, ha thoe, "Batsoali ha ba ka ba tšaba molao oa Faro oa ho bolaea bana." Ha ba khona. Ha ba ka ba tšaba, hobane ba bone ntho kahara lesea lena, le ho qaleng. Ba e bone, hore e ne e le karabelo ea thapelo.

⁶⁸ 'Me joale Moshe keha a fupile motheo ona oohle, ka hona Moshe o itsebile a rometsoe morero oa ho loela bana ba Israele.

⁶⁹ Ua bona, motheo oohle o etsa tutulu. Ha u fumana ntho, 'me u ka hlaha Bibebe, oa re, "*Sena* se tla hlaha," 'me ke seo se hlaha; "le *sena* se tla hlaha nakong eo," ke sena se hlaha; "le *sena* se tla hlaha nakong e ikhethang eo," ke seo se hlaha; ke moo sohle se bokelanang 'moho se re takela setsoantsšo.

⁷⁰ Oh, kamoo tabernakele ena hoseng hona, kamoo rōna batho ba hora ena, Moena Neville, re sa bona boputsoa po hlaha moriring oa rōna, mahetla a rōna a kobama, re sa bona lefatše le lohana le kolokoteha tjena, le kamoo re ka qamakang ra bona tšepiso e atamelang! Ke, eona . . . Ke nahana, hangata, holane motho a ka thulana le Eona hang, 'me a sa E utloisia, kapa a ka E utloisia, ke rialo, 'me a ka kena ho Eona hang, e ka batla e u romela Bosafeleng, feela ka ntho e hloibilang hona! 'Me u sa e tseba, le feela, oh, ua phunyeletsa lintho tseo re li boneng re li tseba re li utloisia, le ho thulana re kena hang. Monna, kapa mosali, moshanyana, kapa ngoanana, mohlomong ba ka phahamisa matsoho a bona ba re, "Ha re ee, Morena Jesu," u a bona. Oh, hora e atametse hakakang!

⁷¹ Moshe o itsebile a tsoaletsoe morero oo, a sheba ka difesetere a shebella Baheberu ba kasakasa; a boela a sheba mona Lengolong, le itse, "'Me ba tla jaka lilemo tse makholo a mane, ua bona, empa Ke tla ba ntša ka letsoho le matla.' Eitse ha a khutla, hoba thomo e ntšoe, a tlotsitsoe, a tsebile hobane o tsoaletsoe . . . Me tumelo ea hae ea sheba, ka tumelo o bone batho bao o ba tsebile e le bana ba Molimo, hobane lefatše . . . e—e Lentsoe le

itsalo. E ne e se ba lefatše, 'me ba sa tšoane le bao bohle. Ba ne ba fapanè. 'Me e le lithotho le maoatla, ka mahlong a—a mahalihali a Ēgepeta; 'me e tla ba mora Faro, ho hloella 'musong, khetlo le latelang. Empa, eena, ntho e larileng ka ho eena, e—e tumelo ea sebele e sa shebeng lintho tseo, lefa la hae le mahalihali. A mpa a sheba pallo ea Molimo, 'me o tsebile nako e ne e atamela. 'Me hase le monahano o nong o ahile ka ho monna eo!

⁷² Ke batla ho rerisana le eena, tsatsi le leng, mohla ke kopanang le eena mose oane. U re, "Bohlanya, moena!" Che, hase bona. Ke tlil'o kopana le eena, ka mohau oa Molimo. E, monghali. Ke tla qoqa le eena, tsatsi le leng, Moshe ka sebele. 'Me kamoo ke ratang ho 'motsa, ho no ho le joang feela, mohla a bonang boitokisetso ba hae!

⁷³ Pherekano eo, diabolosi a se phetse ho re, "Ao, batho ba ke ke ba u kholoa. Huh—uh. Mono—mono ha ho letho nthong eo."

⁷⁴ Empa enere ha peo eo e Phelisoa holimo, ntho ea mo khahlola, 'me a tseba ho tla etsahala ho hong. O tsebile. A sheba tšupanako ea hae a bona nako, 'me o tsebile, le kamoo a nahanneng ha a ntse a shebile. Joale hoba a kopanye tsena tsohle, ntho e kholo ena a e boneng; nako ea Lengolo, thapelo ea 'm'ae le ntat'ae, 'me a tsoetsoe tsoalo e mohlolo, ngoana ea mokhelo. 'Me, nako ena eohle, esale ntho e larile tlase botebong ba hae.

⁷⁵ 'Me joale o a thoba o leka ho ikhopola a ka qhautsa thupello ea hae ea sesole e tsoang sekolong sa hae, a loele bana bao, 'me ea folotsa.

⁷⁶ Eaba o kena lefeelleng a nyala e—e ngoanana e motle oa Moethopia, ba fuoa moshanyana ea bitsoang Gershome.

⁷⁷ Tsatsi le leng a sa alositse mohlape, hang a bona sehlahlala se tukang holim'a thaba, se tuka. 'Me eaba o nyolohela teng. 'Me e ne e se hlalefo, e se e—eona khopolo, e se thetso, sethetsa-mahlo, empa ka ho eena... Mono Molimo oa Abrahama, ka Leseli, morao Topallong ea Mollo sehlahleng, Mollo oo, eka maqhubu a lakomang, o mpa o sa hlophe sehlahlala. 'Me Puo ea Lengolo, Puo ea Molimo, ea bua mono, ea re, "Ke u khethile. Monna eo ke uena. Ke u lhahiselitse morero oona. Mona kea u kholisa, ka lipontšo, u tla theohela teng ho loela bana hobane eka khona Lentsoe la Ka le phethahatsoe."

⁷⁸ Oh, Lentsoe la Hae la letsatsi lena le tlameha ho phethahatsoa. Re phela horeng eo. Ha ho natse motho o reng; Lentsoe le tlameha ho phethahatsoa. Maholimo le lefatše li tla feta, empa e seng Lentsoe la Hae.

⁷⁹ Joale, hoba Moshe a hlaphise tsena tsohle 'moho, a bone ka mahlakore ohle, eaba e tlotsa tumelo ea hae. Amen! Oh, khili! Mohopolo o mokakang! Sena, ka bo-eena, ho bona Lengolo le supile ka kotloloho seo e neng e le sona, le puo ea Molimo, le bopaki ba eona mono, hoo ha tlotsa tumelo e leng ka ho eena, ho tloha ho ea sebetsa.

⁸⁰ E tlameha ho re etsetsa'ng? Re hloka pako. Re hloka tsoselotso. Ke bua ka 'na. Ua bona? Ke hloka ho hlokohloa. Ke hloka se seng. Ke itse ke bua le 'na hoseng hona, kapa ka 'na. Ke—ke—ke hloka e—e ho phaphamisoa.

⁸¹ 'Me ha ke nahana ka bopaki boo ba botonana, ntho eohle e alioe mono ka phethahalo, eaba e tlotsa tumelo ea Moshe. 'Me, khele, a bona ho se letho . . .

⁸² Mona, a baleha Egepeta, etsoe, ka nepo, a ka raosa e—e letsoso kapa ho hong, 'me a ka—a ka raosa phetohelo a qala hlanohelo Egepeta, a ka sheshena lebotho a loana, empa, u a bona, 'me a emeloa ke likete. Empa sebakeng sa hoo, a tšohile le ho etsa hoo, ka mabotho a mo emelang.

⁸³ Empa joale ke enoa o a khutla, lilemo tse mashome a mane hamorao, a le lilemo li mashome a robeli, a tšoere molamu letsohong la hae. Hobaneng? Se beng se tuka pelong ea hae se fetohile bonnate. Mohlang oo keha a tlotsitsoe, 'me a itseba a tšoere HO RIALO MORENA. Ho se letho ho mo thibela joale. A sa hloke lebotho. Molimo o na a eme le eena. Ke phetho seo a a hlokileng; Molimo o eme le eena.

⁸⁴ Oh, ha u tsebisisa Molimo a u romile ho etsa ntho e itseng, 'me u e bona e feralla holimo mono, ha ho—ha ho letho feela ho tlatsa sebaka sa eona. Ke phetho.

⁸⁵ Ke sa hopola mohla Morena a mpoleletseng ka lintho tse tla hlaha, eaba ke nyoloha ke e bona e robetse hantle mono, kamoo . . . Oh, maikutlo a makakang! Maemo a se a kene tlas'a taolo, ke phetho, ua bona, hoba Molimo a itsalo.

⁸⁶ Ke sa hopola, bongata ba lona le a hopola, mabapi le moshanyana ea tsosoang Finlane, ebile e le bafung, a bolailoe ke koloi. Eaba ke eme mono ka thoko ho tsela, ka qala ka tsamaea ke tloha ho ngoana eo, eaba ke retoloha ke hetla morao. 'Me ntho ea bea letsoho la eona lehetleng la ka, ka hopola e le Moena Moore, keha ho se motho pel'a ka. 'Me eaba ke hetla morao, 'me ka sheba holim'a thaba ka bona teng. Ka re, "Be, ke bone leralla leo 'nq'e 'ngoe, empa re sa nyolohe tjena. Re ne re nyoloha ka lephakong le leng. Ebe leralla leo le hokae?"

⁸⁷ 'Me eaba ke talima ke bona koloi eo tlase mono, e soahlamane; ka bona moshanyana eo mono ntho ea hae . . . a rapaletse mono ka e—ka mokuto oo oa moriri, kamoo re u bitsang mona. Mahlo a phethohile, eka a Moena Way tsatsi mohla a na a e—oa. 'Me leotoana le phuntse kausu, moo setho sa hae se robehileng. Le malis a tsoa mahlong a hae, le nkong, le litsebeng. Le ho bona nthoana ea hae, marikhoana a makhutšoane; a qhoaetsoe ka likonopo, ntho ea hae, *mona* le kathoko ho lethekana la hae; 'me setokinsi sa hae se nyolohile, se kang listokinsi tseo re neng re li roala lilemo tse ngata tse fetileng.

⁸⁸ 'Me ka qamaka, 'me keha e le malulo a tšoanang, a tšoanang le seo Moea o Halalelang a mpoleletseng lilemo tse

peli pele, mohla lona bohole le e ngotseng Bibeleng tsa lona sechaba ka bophara, hore e tla etsahala. Oh, mono, ha ho le joalo, malulo a tlas'a taolo. Ho sa natse na o shoele hakae, ho sa natse mang o reng; ho phethehile. O tlamehile ho khutla!

⁸⁹ Ka re, "Ha ngoana enoa a sa tsohe bafung mona, ke moporofeta oa bohata, ke emetse Molimo ka phoso. Hoba, lehaeng koana, lilemo tse peli tse fetileng, O mpoleletsen a se tla etsahala. 'Me bareri bana mono, le tsohle, e ngotsoe lehlakung la Bibele tsa rōna, 'me ke ena e hlahile ka tšoanelo. E baleng lehlakung, kamoo e tla hlaha 'thoteng, majoe a hatelaneng, le joalo, a bolaoe, le ka... ebe ka letsohong le letona la tsela.'" Ka re, "Ke eo moo. Ha ho letho ho e thibela. Maemo a tlas'a taolo."

⁹⁰ Tumelo e lutseng pelong ea ka e ne e tlotsitsoe. Oh, hola feela nka khona ho e hlalosa! Tumelo eo Molimo... Eo ke neng ke ena le eona ho Molimo, e mpoleletseng, 'me ha eso folotse, e mpoleletse, "Maemo a tlas'a taolo joale. Ke sona seo Ke u bontsitseng sona lilemo tse peli tse fetileng, 'me malulo ke ana a ituletse ka ho tšoana. U lokela ho bua lentsoe ke phetho." 'Me moshanyana a tsoha bafung. Ua bona?

⁹¹ Ke ne ke nahanne, ke sa shebile Moena Fred Sothmann ea lutseng morao mono, le Moena Banks Wood le bao. Tsatsi le leng, holimo e—e 'Milakholo oa Alaskan, kamoo nkileng ka ema kerekeng mono ka le joetsa ka phoofolo e linaka tse kang tsa khama, tsa li-inchi tse mashonne-peli, le bere e boea bo boputsoa. Ke eso fihle mono pele, le kamoo ntho e... ke neng ke tla e fumana, le kamoo ho tla etsahala kateng, le bongata bo tla ba le 'na, le moaparo oa bona. Lea e tseba, e mong le e mong oa lona, liveke le liveke le pele e etsahala,

⁹² 'Me eare ha ke kena mono, ke sa e tsebe, keha phoofolo eo e robetse mono. 'Me ka tloha, 'me—'me eena... e se ntho e ka etsoang. Haeba setsomi se ka tseba, kapa se tla be se mametse teipi ena, u ke ke ua atamela phoofolo o e hlaha kapele, e tla qhoma e balehe. Empa ha ea etsa joalo.

⁹³ 'Me ke eo e fanyehiloe ka letsabeng la ka. Mono ho leketlile boea-putsoa, ka nepo eona eo. Le e—le thupa e lekanyang mono, teipi e lekanyang, ho supa nepahalo ea eona. 'Me bonnyane lenaka le ka honyela ka li-inchi tse peli kapa ho feta, ha le sa le letala phoofolong le mohla le shoang, empa lena ha le eso honyele. Le sa otla li-inchi tse mashonne-peli botsekeng. Ua bona? Boea-putsoa o sa robetse mono, e bolelele ba maoto a supileng, ka nepo feelsa, le ntho eohle kamoo e hlahileng, e robetse mono hona joale.

⁹⁴ Empa eare ha monna enoa a mpolella, "Joale, sheba, Moena Branham, re fumana phoofolo ena eo u e boletseng, empa u itse ho 'na u tla fumana boea-putsoa pele u fihla maotong a leralla, morao koana moo moshanyana eo a leng teng, eo ea hempe e botala."

⁹⁵ Ka re, “Ke HO RIALO MORENA. Molimo o itsalo.”

⁹⁶ “Empa, Moena Branham,” a rialo “ho tsoa mona ke bona hohle, limaele, ha ho letho. E tsoa hokae?”

⁹⁷ Ka re, “Hase ’na ea ka botsang hoo. Molimo o itsalo! ’Me Ke Jehovah-Jireh. A ka hlahisa bere mono. A ka emisa e ’ngoe mono.” ’Me O e entse. ’Me ke eo moo e leng teng. Maemo a tlas’ a taolo.

⁹⁸ ’Me eare ha Moshe a ipona a hlahiselitsoe morero oona, a bile a kopane sefahleho le sefahleho, Molimo O moholo ona o entseng pitso, ’me oa mo tlotsa oa mo netefatsa, le ho re, “Pitso ea hao ke ena, Moshe. Ke roma uena, ’me Ke tla u bontša khanya ea Ka. ’Me ke ’Na enoa, sehlahleng, se tukang. Theohela tlase mono! Ke tla ba le uena.” A sa hloke le molamu. O ne a tšoere Lentsoe, Lentsoe le netefalitsoeng, ’me ke eo a tloha. Hoo ha tlotsa tumelo e neng e lutse ka ho eena.

⁹⁹ ’Me e re tlotsa ha re ipona re phela matsatsing a qetelo, ho fumana lipontšo tsena tsohle tseo re li bonang li hlaha, tse boletsoeng Lengolong, li tla hlaha matsatsing a qetelo; ho qala Leholimong koana, ho fihlisa matleng a sepolotiki, le ketso ea batho, le lefatše le oelang sebolung sa boitšoaro, le har’ a basali, le ketso ea bona matsatsing a qetelo, le ketso ea banna, le ketso ea likereke, le ketso ea lichaba, le ketso ea Molimo. ’Me ntho eohle re e bona e robetse mona e re fihletse.

¹⁰⁰ Oh, e tlotsa tumelo ea rōna. E re sohlometsa kantle koana lilikalikoeng tse kholo. Ua bona? E—e re arohanya le lintho tse ling tsa lefatše. Ua bona? Ho sa natse bonyenyane ba rōna, kapa palo ea rōna e nyenyeftse hakae, re tsehuoa hakae, ho songoa, ha e etse phapang ea letho. Ke phetho. Rea e bona. Ntho e teng ka ho rōna. Re ne re reroepele ho bona hora ena, ’me ha ho letho le tla re thiba ho e bona. Amen! Ke ena Molimo o e buile. ’Me e—e se e hlahile. Rea e bona. Oh, re leboha Molimo hakakang ka see! Oh, ka hona, e hotolla tumelo ea hao ha re bona lintho tsena li etsahala.

¹⁰¹ Joale, mona re boela re bala, “Moshe o balile sekhobo sa Kreste e le moruo o fetisang matlotlo a Egepeta.” Joale, o balile e—e sekhobo sa Kreste.

¹⁰² Joale le hopole, “sekhobo sa Kreste.” Ua bona, se teng sekhobo sa ho sebeletsa Kreste. Efela ha u tumme lefatšeng, u ke ke ua sebeletsa, u ntse u sa sebeletse Kreste. Che, u ke ke ua khona. Hobane, u a bona, E tsamaea le sekhobo. Esale lefatše le lihela sekhobo.

¹⁰³ Motšeo koana, lilemo tse likete tse fetileng, E ne e qhoaetsoe sekhobo. ’Me Moshe e tla ba faro, a tla hlahlama ho beoa faro, mora oa Faro. ’Me e tla ba faro ea latelang, a fumane mohau mahlong a batho, ’me koana a “lekanya...” Ho bala ho bolela ho—ho “lekanya.” “O lekantse sekhobo sa Kreste se fetisa lintho tsohle tse kholo tseo Egepeta e beng e

ka mo abela tsona.” Egepeta e ne e le kahar’ a matsoho a hae. Empa, leha ho le joalo, o tsebile ho khetha tsela ea Kreste e le sekhobo, a mpa a thabetse ho tseba hobane ntho e ahileng ka ho eena, e mo qositse ho lekanya katamelo ena ea Kreste, sekhobo sa Kreste, ke rialo, se fetisa ka boholo mahalihali oohle ao a—a ruileng ka lefa. Ka ho eena a ruile lefa le fetisang ka boholo seo lefa le kantle le mo neileng sona.

¹⁰⁴ Oh, holane re ka ba joalo kajeno, ra lumella Moea o Halalelang ho tlotsa seo re se ruileng ka ho rōna, tumelo eo, ho isa bophelong ba borapeli, boikhethelo ho Kreste!

¹⁰⁵ Joale, ka tumelo e kang eo a e ruileng, o eleletsoe, ’me o lekantse sekhobo seo e le tlotsi.

¹⁰⁶ Kajeno, motho a ka re, “Hei, ana o e mong oa batho bao, bao?”
“Uh-huh, be, uh.” U batla u le lihlong.

¹⁰⁷ Empa a se lekanya e le letlotlo le fetang lefatše lohle, hoba ntho e ka ho eena e ne e ka bua ea re, “E, ke—ke lekanya sena. Sena ke tlotsa e kholo. Ke thabetse ho ba e mong oa bona.” Ua bona? “Ke thabetse ho ipala ke le Moheberu e seng Moegepeeta.”

¹⁰⁸ Kajeno Bakreste ba tlameha ho rialo. “Ke thabetse ho ipala ke le Mokreste, ho ila lintho tsa lefatše le tsamaiso ea lefatše. E seng joaloka setho sa kereke feela, empa joaloka Mokreste ea tsoetsoeng labobeli ea phelang ho latela Lengolo. Leha nka bitsoa, le ke maloko a kereke, ‘sethoho,’ koana hoo ke—ke—ke ho bala e le ntho e kholo—kholo ho feta holane ke le khalala motseng kapa sechabeng. Nka mpa ka fetoha seo sebakeng sa Mopresidente oa Linaha tse Kopaneng, kapa—kapa morena oa lefatše. Ua bona? Hoo ke—ke ho bala ho fetisa ka boholo, hobane Molimo mohaung oa Oona, pele ho motheo oa lefatše—lefatše, o mpone, ’me oa hloma peo e nyenyane ka mono, tumelo ea ka e tle e fofe e phahamele lintho tsena tsa lefatše. ’Me joale O mpitsitse, ’me ke—ke hlompha malulo a ka.”

¹⁰⁹ Mokana Pauluse a buile, o balile phaposi ea hae e phahametse ka boholo...ua bona, ’me, oh, haele moo Molimo o ’mitsitse ho tela moruti oa boholo ba Gamaliele. Empa Pauluse a bilelitsoe ho beoa sehlabelo sa Kreste. Ua bona? Joale ke ntho e tšoanang.

¹¹⁰ Lemohang, ka tumelo e kaalo, a se ke a itsepela pono ea hae, seo a se boneng. Joale, kantle mono ha a bona letho haese mphi ea baluba-seretse, makhoa, teronkong, a bolaoang letsatsi ka leng, a shapuoang ka liphali, a songoang, bolumeli ba tumelo ea bona, e le “mahlanya.” ’Me mono teroneng ho lutse faro, ea sa tsotelleng letho ka borapeli ba bona. A sa tsebe letho ka bona. E ne e le mohetene, ka baka leo a mpa a...Papiso e kakang ea kajeno! ’Me ke eo, borapeli bo fapaneng. Le kamoo haeba—haeba Moshe enoa, leha

koana a lutse le presidente setulong, kapa e—kapa monna ea phahameng, Faro, a tla tlatsa malulo a hae lefung la hae, athe e ne e le monna ea holileng. Empa Moshe a lemoha pitso eo... O kile a sheba koo, le ka sona sefesetere seo Faro a shebileng ka sona, kaha a ne a le ka tlung ea hae.

¹¹¹ 'Me eaba Faro o sheba kantle a bona batho bao ba phahamisitseng matsoho a bona, ebe ba tšoara sephali ba ba shape ba shoe ka hobane ba ne ba rapela. Ba ba totometsa sabole hoba ba sitiloe, ha ba sa mamele ka nako e 'ngoe, ba ba sebelise 'mejana ea bona ea khale e be e foforehe, ba ba fepa se sa lekanang. "Be, e se letho haese mphi ea mahlanya, e batla e se batho."

¹¹² 'Me koana Moshe, ka tumelo eo ka ho eena, a ba talima, 'me a re, "Ke sechaba se bokoang sa Molimo." Amen. Ke rata seo. Ka tumelo e kaalo, mahlo a hae a se ke a khahloa ke mahalihali a Egepeta, a khahloa ke tšepiso ea Molimo. Mahlo a tumelo ea hae ea ntsu a bone ka nq'ane ho mahalihali a Egepeta. Eena, le hopole, o ntse a fetoha ntsu joale. Ke moporofeta, 'me mahlo a hae a ntsu a phahamela lintho tseo. Oh, kamoo ke ratang seo! Huh! Khele!

¹¹³ Ke hangata hakae kajeno, kajeno, Bakreste ba itšetleha ka lithokutlo tsa bona, holim'a seo ba se bonang, kapa seo ba ka se utloisisang, sebakeng sa tumelo ea bona, ho itšetleha ka seo u se bonang ka leihlo la hao le mahalihali. Se ka lona basali, ha ke phetse ho le hlabela mokhosi, mabapi le ho holisa moriri oa lona, ha lea tšoanelia ho tlola meikapo, le tšoanelia ho itšoara semaleiti le Bakreste. Le sheba seterateng le bona basali kajeno ba apere manyala. Be, u a nahana, "Be, ke setho sa kereke, 'na hобaneng nke ke ka e etsa?" Ua bona? "'Me o kuta moriri oa hae, hобaneng—hобaneng nke ke ka etsa hoo? Be, o shebahala a le mosa a bile a hlalefile, 'me o ruile semelo seo ke se nang sona. Be, hобaneng 'na nke ke ka etsa hoo? Ke tlamehile ho e etsa." Ha u etsa joalo, u holofatsa tumelo ea hao. Ua bona? Ha u nee tumelo ea hao monyetla oa ho hola. Qala ka hono, joaleka ha ke boletse.

¹¹⁴ Motho o itse, "Moena Branham, naheng, batho, ba u hopola u le moporofeta. Ha u a tlameha ho kharumela basali joalo, le banna, ka lintho tsena. Uena, u tlamehile ho ba ruta ho—ho porofeta le ho amohela lineo."

¹¹⁵ Ka re, "Nka ba ruta lipalo tse thata tsa algebra athe ha ba tsebe sepelete sa bona sa ABC?" Ua bona?

¹¹⁶ Joale ako qale mono. Itlhoekise etlere ha u tsamaea seterateng o shebehe joaloka Mokreste, le hona, ua bona, 'me u ntano itšoara joaloka e mong. Ua bona? 'Me u ke ke ua iketsetsa eona. Kreste o tlameha ho kena ka ho uena. 'Me efela ha peo eo e robetse ka mono, 'me Leseli leo le e khahlola, e tla

tsoha e Phele. Haeba esa Phele, ho be ho se letho ka mono ho Phelisoa. Hobane, e pakiloe joalo holim'a ba bang, ua bona, e Phela hang ha Leseli le e khahlola.

¹¹⁷ Ke taeo ho basali, kea tseba, ba mametseng teipi ena, kapa ba tlang ho e mamela. Ke taeo ho uena, khaitseli. E tlamehile joalo. E tlamehile joalo, hobane hoo ho a supa. Ha ke tsotelle na u entse'ng; ekaba u bile morapeli, bophelo ba hao bohle, ekaba u phetse kahar'a kereke, ntata'o ekaba moreri, kapa monna oa hao e be moreri; empa ha u sa utloe e—e Lentsoe la Molimo, e bontša Bophelo bo le sieo mono. Ha u bona ntho eo e hlahella, 'me e le Bophelo ba Moea o Halalelang, Bo shebe ha Bo khahlola ba bang. Sheba seo ba se etsang, haeba Bo Bea holim'a bona. Ha ho makatse ha . . .

¹¹⁸ Ha se le e—ha se le khalemelo ho Bafarasi bao, ba bitsitseng Jesu, mohla A khonneng ho lemoha mehopolo ea bona, O ba bitsitse, "Belsebule."

¹¹⁹ Athé seotsoanyana seo se itse, "Fale, Thaka lena ke Messia. Lengolo le Mo tlalehile a tla etsa sena." Ua bona, peo e reriloeng e ne e robetse mono. 'Me enere ha Leseli le e khahlola, ea Phela. U ke ke ua e kobotetsa. U ke ke ua pata Bophelo.

¹²⁰ U ka tšollela konkreiti holim'a joang, oa bo bolaea mariha. Sehla sa selemo ha se fihla, joang ba hao bo bongata hokae? Hantle holim'a lintši tsa konkreiti. Ka hobane, peo eo e tsositoeng tlas'a lejoe leo, letsatsi ha le qala le chaba, u ke ke ua e thibela. E tla tsoelikana e bitohe lintšing tsa eona e hlahise hloho ea eona ho rorisa Molimo. Ua bona, u ke ke ua pata bophelo. Efela ha letsatsi le chabela bophelo ba limela, bo tlameha ho phela.

¹²¹ 'Me efela ha Moea o Halalelang o khahlola Bophelo bo Mangolong bo ahileng ka ho motho, bo hlahisa tholoana ea bona hona mono. [Moena Branham o thanya monoana oa hae-Mong.] Ua bona?

¹²² Ha ho tsotelehe u tšepehile u lokile hakae, u ipolela u se joalo hakae, 'me u bua, u re ba ne ba . . . Basali bana ba aparang liparo tsena—tsena tse mpe le linthro kantle mono, ke setsoli se tlase sa phepheletsane e hllobolang, ea seterata. Leha koana, u sa lumele u le sona, u ke ke ua ithusa ho lumela. U ka ikholisa u se molato oa bofebe, empa, kahar'a Buka ea Molimo, u ntse u feba. Jesu o itse, "Ea shebang mosali ho mo lakatsa, u se a mo febile pelong ea hae." 'Me ke uena ea ipepesitseng ka mokhoa oo. Ua bona, u ke ke ua e bona haese ha Bophelo boo bo robetse mono.

¹²³ Ha u sheba motho e mong, u sheba u re, "Be, kea tseba Khaitseli Jones. Moena Jones ke e . . . Ke moreri. Mohatsa'e o etsa sena ebile o etsa sane."

¹²⁴ Ha ke tsotelle na *seo* se etsang; Lena ke Lentsoe. Jesu o itse, “Lentsoe la motho e be leshano, la Ka e be ’neta.” Ke Bibele. ’Me ha Leseli leo le hlile le e khahlola, e tlameha ho Phela. E tlamehile feela ho Phela.

¹²⁵ Joale, leihlo le leholo la Moshe, leihlo la hae la ntsu, le shebile ka ’nqa’ne ho phatsimo ea Egepeta.

¹²⁶ Mokreste e leng molumeli oa sebele kajeno, ho sa tsotelehe kereke e reng, ho sa natse na mang o reng; ha Leseli leo le e khahlola, ba bona eona netefatso ea Molimo, Topallo eo ea Mollo e leketlile mono, le mehlolo le meeka e tšepisitsoeng, Lengolo lea aloa, ’me e a Phela; ho sa natse bonyenyane ba eona, le paloana e kae. Sehlopha sa Molimo esale e le paloana. Ua bona? “Se tšabeng, mohlatsoana—mohlatsoana, ke thato ea Ntat’ a lona ho le nea ’Muso.” Ua bona? Ba e tšoara. Molimo o tlameha ho ba hlahisa ba e tsoa ka makhalo a bolumeli ka bong, tsamaiso efe hohle, ho Le bona, haeba ba fela ba khethetsoe Bophelong.

¹²⁷ Shebang motsofe Simeone, ea khethetsoeng Bophelong. Mohla Messia a fihlang tempeleng, a nkile sebopaho sa lesea matsohong a ’m’ae; Simeone, motšeо koana ho phaposi, a ntse a bala. Eaba Moea o Halalelang o a mo emisa, hoba esale a lebeletse. Bophelo boo bo ne bo ahile ka ho eena. O itse, “Nke ke ka shoa ke eso bone Kreste oa Morena.” ’Me Kreste oa Morena o ne a le kahara tempele. Moea o Halalelang oa mo tataisa ho tsoa tšebetsong ea hae, a tsoa, ’me a pholletsa mono a nka lesea a le phahamisa, a re, “Lesa e—lesa mohlanka oa Hao a ikele ka khotso, hobane mahlo a ka a bona poloko ea Hao.”

¹²⁸ Mono khoneng ho lutse leqheku le foufetseng la mosali, le bitsoang Anna, ea na a sebeletsa Morena motšeare le bosiu. Le eena a ntse a lekanya, a re, “Messia o a tla. Ke ’Mona a e tla.” Leha koana, a ne a foufetse. ’Me ka eona nako eo, eare A sa le mono... Bophelo bo bonyenyane boo bo ka ho eena, bo neng bo lekanya, “Le tla fihla mono! Le tla fihla mono! Le tla fihla mono!” Eaba, Bophelo boo, lona Leseli leo le kena ka moahong, ka sebopaho sa Lesea, joaleka “ngoana bonyatsi,” a phuthetsoe ka liaparo tsa Hae tse mahoashe, a nyoloha ka moaho. ’Me eaba Moea o Halalelang o khahlola leqheku le sefouf le la mosali, ’me o tlitsitsoe ke Moea, le tsamaisoa har’ a batho, la okamela Lesea lena; la hlohonolofatsa ’me la hlohonolofatsa Lesea, la bolela bokamoso ba Lona. Ua bona, ho khetheloa Bophelong! Ua bona?

¹²⁹ Ba shebeng, ba ne ba sa tlore thoesene. Letsatsing la Nooe ho bolokehile meeа e robeli, e batla e se bongata bo bokaalo, empa bohole ba khethetsoeng Bophelo ba kene mohlang oo. Ho bona kamoo Moea o Halalelang o sebetsang mongoaheng ka mong, o ntse o hula batho.

¹³⁰ Joale re fumana tumelo ea Moshe e mo tataisitse ho shebella se tlang, e seng se fetileng. Ho sheba hosasane

e seng sebakeng sa kajeno. Ho sheba lipallo sebakeng sa mahalihali. Ho sheba batho sebakeng sa mokhatlo. Ua bona? Molimo o entse hoo.

¹³¹ Lota o bone mahalihali a katleho tlase Egepeta, kapa tlase Sodoma. Lota o bone menyetla ea e—ea e...ea bokhoothokhoto ba—ba chelete. Lota o khonne ho bona katl—...menyetla mohla a na a talima Sodoma me koana a ka okamela Sodoma a beoe...Kaha e ne e le Moheberu, ekaba monna e moholo mono, kaha e ne e le mothohali ea bohlajana ea bohlale, le motooola'e Abrahama, ka hona a ikhethela ho leba nq'a Sodoma. Lihlalefo tsa Lota li mo tataistse ho bona mahalihali a—a katleho. Lihlalefo tsa Lota li mo tataisitse ho bona leseho la—la mahalihali. Empa, tumelo ea hae ea shoesoa bohatsu ke oona, hoo a sa kang a bona mollo o tla ja bophelo ba mofuta oo.

¹³² 'Me le batho ba eme joalo kajeno. Ba bona menyetla ea ho fetoha setho sa mokhatlo o moholo, ba bona menyetla ea ho ema hantle mahlong a batho ba motse, ba mpa ba sa bone mony-...Ha ba bone tumelo ea bona e shoeleng bohatsu. E re ke e phethe esere ea utloisisoa ka phoso. Basali kajeno, bona, kamoo ke buang, ba batla ho itšoara sa—ba batla ho etsisa likhalala tsa litšoantšo. Banna kajeno ba batla ho etsisa borametlae ba thelebishene.

¹³³ Bareri ba kajeno eka ba batla ho fetola likereke tsa bona ho kang loje ea seojaole ea mofuta, maloko le lintho tse joalo. Ba bone monyetla oa ho fetoha bishopo kapa mookameli ea akaretsang, kapa ntho e kang eo, haeba ba ka khema le kereke; ba tela Mangolo, athe Le robetse hantle pel'a bona, le netsalitsoe ka ho hlaka ke Matla a Molimo, le ka Lentsoe le phelang la Molimo le phelang ka ho batho. Koana, ha ba Le batle. Ba re, "Ha re batle ho imatanya le selo se kang Seo." Se tla ba amoha setlankana sa bona sa botho. Se til'o tlosa tsamaiso ea bolumeli ba bona. Leha koana e le monna ea tšepehang, ea kang Lota, ea lutseng tlase Sodoma, a tseba hobane hoo ke phoso. Ua bona? Ua bona? Ba etsa'ng ha ba etsa hoo? Ba shoesa tumelo ea bona e nyenyane eo ba bileng le eona bohatsu. Ha e khone ho sebetsa.

¹³⁴ Joale, Moshe o kile a ineela seo, 'me a bea... tumelo ea hae ea shoesa lefatše bohatsu.

¹³⁵ Tumelo ea hao e tla shoesa mahalihali bohatsu, kapa mahalihali a tla shoesa tumelo ea hao bohatsu. Joale, u tlameha ho khetha e 'ngoe. 'Me u bona Bibele e sa fetoh. Molimo ha o fetole. Ke Molimo o sa fetoheng.

¹³⁶ 'Me joale re fumana, kajeno, batho ba kajeno, ua bona, ba sheba lintho tsa lintho tsa litonana, mokhatlo oa motonana. "Ke setho sa *Hore-le-hore*." Ua bona? 'Me ba theohela mono, 'me, bonang, ha ba fapano le batho ba seterata. Lintho tse

ling ha li eo. Ba ruile bohlajana bo itseng, 'me ba tsoelapele. Ha u bua ka pholiso ea Khalalelo, Topallo ea Mollo, Leseli la Molimo, ba re, "E lutse kelellong."

¹³⁷ Monna o kile a thonaka foto ea Lengeloi la Morena, tsatsi le leng, moreri oa Baptisi, 'me a Le ja litšeho. Ua bona, hoo—hoo ke nyefolo. Ua bona? Ha ho tšoarelo mono.

¹³⁸ Ke seo Jesu a se buileng, ua bona. Ke nyefolo; athe o E bona e etsa mesebetsi e tšoanang le e entsoeng ke Kreste. 'Me O boletse... Mohla, ba ne ba bona mesebetsi ea Kreste, E ne e le Sehlabelo, 'me ba Mo reile "Belsebule, diabolosi," hobane, A e entse. 'Me joale ba re... O itse, "Ke le tšoarela hona. Empa mohla Moea o Halalelang a fihlang a etsa hoo, ekare ha u bua lentsoe khahlano le Hona, ha u ka ke ua tšoareloa hona, lefatšeng lena leha e le lefatšeng le tlang ho tla." Ua bona? U tlameha ho bua lentsoe le le leng feela khahlano le Oona. Ua bona? 'Me ebe...

¹³⁹ Hobane, haeba Bophelo boo, haeba u khethetsoe Bophelong Bosafeleng, ke moo Bophelo boo bo tla phatloha haeba u Bo bone. U tla Bo hlokomela, se ka mosajana selibeng, le—le ba fapaneng. Empa ha bo le sieo mono, e ke ke ea tsohela Bophelong, hoba ho se letho mono ho tsohela Bophelong. Mokana 'mè oa ka oa khale a buile, "U ke ua monya mali ho rapa," hoba e se na mali ho eona. Joale, ke ntho e tšoanang.

¹⁴⁰ 'Me e shoesa tumelo e nyenyane eo u e bolokileng bohatsu. Lota o khonne ho bona mahalihali, empa a se na tumelo e lekaneng ho bona mollo o tla timetsa mahalihali a mofuta oo.

¹⁴¹ Kea ipotsa na re khonne kajeno? Kea ipotsa haeba rōna, be, se ka basali ba batlang ho tuma, ba batlang ho etsisa e—e basali ba bang bohole ka kerekeng, ha ba bona ba batla ho—ho etsisa ba bang. Ba—ba bona monyetla oa ho ba e—e—e mosali e motle ho feta, ka ho itaka. Ba bona mosali e motle ho feta ka ho ipha tsobotsi e ncha, ka ho poma moriri oa bona ho etsisa ba bang bohole, kapa khalala ea litšoantšo. Empa kea ipotsa hoo ha ho a shoesa tumelo ea bona bohatsu na, ho tseba Bibele e itse, "mosali ea etsang hoo o a tlo—... e mosali ea tlotlolehileng," 'me, "mosali ea aparang seaparo sa monna, ke manyala pel'a Molimo," lileke, le tse joalo, le lishotso tseo ba li aparang. 'Me—'me e metse matsoabali ho fihlela e le tloaelo bathong ba e etsang. Kea ipotsa na ha e shoesa tumeloana eo u kileng oa e rua bohatsu, esita le ho ea kerekeng, u a bona. E etsa joalo.

¹⁴² Lota o entse hoo, 'me ea mo shoesa bohatsu, 'me ea shoesa batho ba hae bohatsu tlase mono. Ha ba khona ho e bona.

¹⁴³ Empa Abrahama, ka e—e tumelo e netefalitsoeng, maloma'e, ha a ka a sheba mahalihali, a sa batle ho amana le eona ka letho, leha koana a tlamehile ho phela ka thata le

ho iphelisa. 'Me Sarah a phela lefeelleng moo ho nong ho le boima, naheng e moketa. Empa ha ba bona mahalihali kapa menyetla ea ho tuma.

¹⁴⁴ Sarah, mosali e motle ho fetisisa naheng, Bibebe e itsalo. O ne a khahleha, mosali ea khahlehang ho feta har'a basali bohle. 'Me joale a sala a utloa monna oa hae, a ba a 'mitsa "morena" oa hae, ke eena eo Bibebe e buang ka eena, koana—koana Testamenteng e Ncha; ho thoe, "Le leng barali ba hae, ha le fela le hlola tumelong." Ua bona, a bitsa monna oa hae "morena" oa hae.

¹⁴⁵ 'Me eaba Lengeloi la Morena le etela tempele ea bona le... kapa tente ea bona e nyenyane kantle koo, la ba bolella. Ba se na le ntlo eo ba lulang ho eona; ba lula linaheng tse otileng. 'Me ke lona bao. Na le bona letsatsi le boetseng le ipapisitse, sa mohlang oo?

¹⁴⁶ Joale, Moshe ka tumelo ea hae e kholo, hape, a ka re "che" linthong tsa joale tsa lefatše la joale, 'me a etsa khetho e nepileng. A ikhethela ho tšoenyeha le batho ba Molimo. A ikhethela ho tsamaea le bona. Hobaneng? Tumelo ea hae! O bone tsepiso. O bone nako ea bofelo. O bone hosasane, 'me a lokolla tumelo ea hae. 'Me a sa tsotelle seo mahlo a hae a se boneng sa menyetla eo mona, hore e ne e le faro 'me e tla ba faro. A sheba ka nq'a ne ho hosasane.

¹⁴⁷ Oh, hola batho ba ka etsa joalo, a sa shebe lefatše la joale. Ha u sheba lefatše la joale, u etsa khetho e ipapisitseng le lona. Patela ntho eo mahlo a hao, 'me u shebe pallo ea Molimo, ka koana hosasane.

¹⁴⁸ Ka tumelo ea hae o khone ho khetha. O khethile ho bitsoa mora Abrahama, a hana ho bitsoa mora oa Faro. O khonne joang, athe 'muso oohle... Egepeta e ne e hapile lefatse. E ne e le morena oa lefatše, 'me e le monnana oa lilemo tse mashome a mane, mona a le mothating oa ho hloella terone. Empa a hana ho sheba ea hae hlal-...

¹⁴⁹ Shebang basali ba ka beng ba mo likile, letsatsi ka letsatsi, sehlopha sa bona. Ho sheba mahalihali; ho lula a noa veine, a bohile liphepheletsane tse hlobolang ka pel'a hae, ha li ntse li chaea chao, 'me a fokeloa moea ka e... Le basali ba hlahang ka makhalo oohle a lefatše, le mabenyan le matlotlo, lebotho la hae kantle koo. A tlameha ho lula feela a ej a lijo tsa hae tse hlabosang, 'me a re, "Nehella e... nehella lebotho la palo e ea *hore-le-hore* tlase ho *hore-le-hore*, le hape na ha eo. Kea lumela kea e batla." Ke phetho seo a tlamehang ho se etsa. Ho lula mono, 'me ba mo fokeloa moea, ba ahlamise molomo oa hae; ba laele e—lihloboli tse ntlo, tsa letsatsi leo, ho tšela veine ka molomong oa hae, ho mo fepa lijo tsa hae matsoho a tsona a mo harile, basali bohle ba batle lefatšeng. Mahalihali oohle a neng a fumanoa, keha a robetse hantle mono pel'a hae.

¹⁵⁰ Empa a etsa'ng? A tlosa mahlo a hae mono. O tsebile mollo o ne o itokiselitse hoo. A tseba hobane lefu le laletse nq'a mola oo. Ua bona? O e tsebile joalo. 'Me eaba o sheba nq'a sehlopha se khesehang le se lahluoeng, 'me ka tumelo a ikhethela ho hlorisetsoa sekhobo sa Kreste, 'me a ipitsa, "'Na ke mora oa Abrahama. Ha ke mora oa faro enoa. Leha u nhloma bishopo, kapa motikone, kapa arekabishopo, kapa mopapa, ha ke mora oa ntho ena. Ke mora oa Abrahama, 'me ke ikarola linthong tsa lefatše." Amen, amen, hape amen! Ka tumelo, a etsa hoo!

¹⁵¹ O ile a tlosa mahlo a hae mahalihaling. A nka menyetla ea ho ba mobishopo ea latelang, a nka e-e menyetla ea ho ba arekabishopo ea latelang, kapa mookameli ea latelang ea akaretsang likhethong tse latelang, kapa e ka bang eng, a tlosa ntho eo. A hana ho e talima.

¹⁵² "Joale, haeba ke beoa bishopo, ke tla kena 'me batho ba re, 'Ntate ea Halalelang,' kapa—kapa 'Ngaka Sekete-kete,' kapa—kapa—kapa—kapa—kapa 'Moholo Sekete-kete.' Kamoo ba tlang ho, bareri bohole sebokeng, ba tla mphathatsa lehetleng, ba re, 'Helang, moshaana, thaka leo le tsoere ho hong, kea u bolella. Oh, sh-sh-sh, tholang, bishopo ke enoa a e tla, ua bona. Seo a se buang, ke molao. Ua bona, *Sekete-kete* ke enoa a e tla.'" Batho ba tla fofa ba haola lefatše ho ba e... ho bona mopapa, ho aka leoto le masale, le lintho. Kamoo, ke monyetla o mokakang ho Mokatolike, ke monyetla o mokakang ho Moprotestanta, ho beoa bishopo kapa mookameli ea akaretsang, kapa ntho e itseng, monna ea itseng e moholo mokhatlong.

¹⁵³ Ho sheba, leha ho le joalo, empa, u a bona, leihlo la tumelo le sheba holim'a hoo. 'Me u bona qetello ea eona tlase mono, etsoe, Molimo o tlaleha ntho eohle e tla senngoa. Tumelo, leihlo leo la ntsu, le u phahamisetsa holim'a hoo, 'me u bona hosasane, e seng kajeno, le ho ikhethela ho bitsoa mora oa Abrahama.

¹⁵⁴ Faro, ka ho hloka tumelo, o bone bana ba Molimo e le "mahlanya." Ho hloka tumelo, a ba fetola makhoba hoba a sa tsabe seo a se buileng. A sa tsabe Molimo. A ikhopola e le molimo. A hopola melimo ea hae—hæ a e sebelelitseng, e le bishopo, e le hloho mookameli oa kakaretso, melimo ea hae ke eona e entseng hoo. "Ha ho letho Nthong ena *mona*," ka hona a ba fetola makhoba. A ba tseha, a ba soma. Mokana batho ba entse kajeno, eona ntho eo hantle.

¹⁵⁵ Tumelo ea Moshe e ba bone lefatšeng la pallo, e le batho ba bokoang. Ekaba ntoa e thata ho ba fihlisa pallong, empa Moshe a ikhethela ho tsamaea le bona. Nka likalika mono, empa nako ea ka e a feta. Ua bona?

¹⁵⁶ Lemohang, ho ka ba thata ho sokolla batho bao. "U tlameha ho ea phela le bona, u tlameha ho fetoha e mong oa

bona, 'me ba hlalefile hoo u sitoang ho ba tsamaisa. Ua bona? Empa ntho e 'ngoe e tlameha ho etsahala kantle mane. Mohlolo o tlameha ho hlahisoa pel'a bona. E tla ba ntho e boima. Mekhatlo e tla u hanelo, 'me lintho tsena tsohle li etsahale. E—e a nyarosa, seo u tlamehang ho se etsa, empa koana etsa khetho ea hao.'

¹⁵⁷ "Ke e mong oa bona." E-ea. Tumelo ea hae e entse hoo. Tumelo ea hae ea tlola hlase. E, monghali. O e bone. Ho le boima ho ba fihlisa pallong eo, empa a ikhethela ho tsamaea le bona, le hona. Ho sa tsotelle seo ba mo entseng sona, 'me ba mo hana, a tsamaea leha ho le joalo. O ne a tsoa le bona.

¹⁵⁸ Joale kea tsepa le ntse le bala. Ho lokile. Tsamaea le bona, leha ho le joalo. Ho etsa, fetoha e mong oa bona, ke hantle, hoba ke tlameho ea hao. Ekaba ntoa e thata, u fete maimeng, empa tsamaea leha ho le joalo.

¹⁵⁹ Empa tumelo ea hae ea mo tataisetsa ho ikhethela Lentsoe, 'me e seng mahalihali. A nka Lentsoe. Ke seo tumelo ea Moshe e se entseng. Tumelo ha e talima botšabeho ba Molimo... Hopolang, mahalihali e ne e le ana joale, lefatše, morena ea phahameng, oa lefatše. 'Me batšepisoa ba Molimo ba le hokae? Kahar'a khatampi ea seretse, maluba-seretse.

¹⁶⁰ Empa tumelo, tumelo ha e sheba botšabeho ba Molimo, e bo bala bo fetisa bo le theko e thata ho feta bokhabane boo lefatše le ka bo bontšang. E, monghali. Tumelo ha e sheba, tumelo e khona ho e bona, ha tumelo e Lentsoeng e khona ho bona Lentsoe le bonahatsoa, hoo ho fetisa ka bohlokaoa mahalihali oohle le boarekabishopo le sohle seo u ka buang ka sona. Tumelo e etsa hoo. Ua bona? U bona bobe bo feteletseng, bakhesuoa, balelekaoa, e ka ba bomang; ekaba bobe bo tlolisang, koana tumelo e tla bo bala bo phahametse bokhabane boo lefatše le ka bo hlahisang ka limilione tsa limaele. Amen! Re e bina joalo thoko eo, "Ke tla ikhethela tsela ea bakhesuoa ba 'maloa ba Morena." Ua bona? Oh, khili!

¹⁶¹ Hobo, u a bona, tumelo e bona seo Molimo a se batlang se entsoe. Oh, ke tsepa sena se kena kahare. Tumelo ha e shebe nako ea joale. Tumelo ha e bone sena *mona*. Tumelo e sheba ho bona se batloang ke Molimo, e ntano sebeletsa nq'a eo. Ke seo tumelo e se etsang. E bona seo Molimo a se batlang, le seo Molimo a se batlang se entsoe, 'me tumelo e sebetsa ka seo.

¹⁶² Tumelo ke pono e moharolla. Ha e ke e liha mahlo a eona. E tsepama holim'a sekhopi. Amen! Sethunyi sefe sa makoma se tseba hoo. Ua bona? Hoo, ke pono ea moharolla. Ke e—ke theleskoupu. Ke ferekekere, ha u shebe *mona* ka eona. Ha u sebelise ferekekere ho sheba nako; ua bona, ha u sebelise hoo. Empa u sebelisa ferekekere ho sheba hole koana.

¹⁶³ 'Me tumelo e etsa hoo. Tumelo e thonaka liferekekere tsa Molimo, bobeli ba oona, mahlakore a mabeli, Testamente

e Ncha le ea Khale, 'me e bona pallo ka 'ngoe A e entseng. 'Me tumelo e bona hole koana, 'me tumelo e ikhethela hoo ho sa natse seo lekhathe la joale *mona* le se buang. O sheba qetellong. Ha a lihe pono ea hae ho shebela fatše *tjena*. O sheba hole koana. O maneha sefapano mokhubung holima botseka ba Lentsoe. Tumelo e etsa hoo. Ke tumelo e kahar'a monna ea etsang tse joalo.

¹⁶⁴ Joale ela hloko. Seo Faro a se reileng, ka ho bitsa, seo Faro a se reileng *kholo*, Molimo o se bitsitse "manyala!" Ekaba Faro o itse, "Sheba, Moshe, mona, khele, u faro ea latelang. Ke—ke u neeleta lere lena mohla ke tlohang mona. Ke tla nehela ka lere lena. Ke la hao. Ua bona? Joale, le leholo. U tla monna ea phahameng, Moshe. U tla ba bishopo. U tla ba *sena, sane*, kapa se *seng*. U se ke ua re hloboba. Lula mona." Empa, u a bona, hoo o ho bitsitse *kholo*, athe Molimo o e itse ke "manyala!"

¹⁶⁵ Joale, nahanang motsotso lona basali, le lona, uena monna. Seo lefatse le se bitsang *kholo*, Molimo se bitsa "litšila." Na Bibele ha e a re, "Ke manyala ho mosali ho apara seaparo sa monna"? Athe u ikhopola u le masejana ha u etsa joalo. Ua bona? U mpa o halimisetsa liabolosi nama ea botšeħali, 'me ke phetho. Ka hona, se etse hoo.

¹⁶⁶ 'Me lona banna le phelang ka lintho tsa lefatše, le phamola le hamarela sena! Le lona banna le haelloang ke sebete ho laola mafumahali a lona le lintho le ho lesa ho etsa joalo, ha le soabe! Athe le ipitsa bara ba Molimo? Ho 'na ekare u mosodoma. Ua bona? Hase ho thonkha maikutlo a hao, empa ho u joela 'Nete. Lerato ke tokiso. Esale le le joalo. 'Mè ha a sa hlokomele ngoana oa hae, a sa mo lokise a sa mo patlotse, la itšela kelello, hase 'me oa sebele ho eena. Ke hantle.

¹⁶⁷ Joale, le shebe se etsahalang joale. Moshe o bone sena, ka pono ea hae. 'Me Faro o itsalo, "*Ena* ke ntho e *kholo*." Molimo itse, "Ke manyala." Ka hona Molimo... Moshe a ikhethela seo Molimo a se buileng.

¹⁶⁸ Joale, lemohang, tumelo e bona seo Molimo a batlang u se bone. Ua bona? Tumelo e bona seo Molimo a se bonang.

¹⁶⁹ 'Me mabaka le lithokutlo li bona seo lefatše le batlang ho u bontša sona. Lemohang mabaka, "Khele, ke kelello ea motho feela. Ke feela—feel a lebaka leo sena... Be, na ebe *sena* ha sea loka hakaalo?" Ua bona? Ke eona ka nepo, ha u sebelisa litholutlo tseo tse khahlano le Lentsoe, ua bona, ke seo lefatše le batlang hore u se bone.

¹⁷⁰ Empa tumelo ha e shebe seo. Tumelo e sheba seo Molimo a se buileng. Ua bona? U a tseba, u lahlela mabaka kathoko.

¹⁷¹ Mabaka, kelello ea mabaka, e bona seo lefatše le batlang hore u se bone, bolumeli bo boholo. Be, u Mokreste na? "Oh, ke—ke Mopresbeteriene, Momethodise, Moluthere, le Mopentekosta, eng hape. Ke *sena, sane*, kapa se *seng*." Ua

bona, hoo, ke lithokutlo. “Ke setho sa kereke ea pele, u a bona. Oh, ke Mokatolike. Ke—ke *sena, sane.*” Ua bona, u rialo. Joale, hoo, ke lithokutlo. U rata ho rialo hobane e le bolumeli, ntho e kholo. “Be, re—re—re tšoere maloko a mangata, mohlomong, a fetang a kereke efe lefatšeng, ua bona. Re . . .”

¹⁷² Empa Kereke ea sebele e 'ngoe feela, 'me ha u tlabole selekane le Eona. U tsoalloa ho Eona. Ua bona? 'Me u tsoalloa ho Eona, Molimo o phelang o sebetsa ka Sebele ka uena, le ho Itsebisa. Ua bona? Molimo o ahile mono, kahar'a Kereke ea Oona. Molimo tsamaea Kereke letsatsi ka leng, o phela kahar'a Kereke. O phela ka ho uena. U Kereke ea Hae. Uena u Kereke ea Hae. U Tabernakele eo Molimo a ahileng ho eona. U Kereke ea Molimo o phelang, ka bo-ueno. 'Me Molimo o phelang ha o phela kahar'a sepheli sa Oona se phelang, ke moo ketso ea hao e leng ea Molimo; haese eona, etlaba Molimo ha o eo ka mono. A ke ke a u etsisa hoo, O bua Lentsoeng mona, moralo oa Hae, “U se ke ua etsa hoo,” 'me u tloha ho ea e etsa. Ua bona, e phoso. Ha o e latola, hoo ho supa Bophelo bo le sieo ka ho uena. Ua bona? Ke hantle.

¹⁷³ Tumelo e isitse Moshe tseleng ea kutlo. Lemohang, Moshe o etsa . . . Faro e mocha ke eo, Moshe e mocha ke eo, bobeli ba bona ba fuae monyetla. Moshe o bone sekhobo sa batho, 'me a se bala e le matlotlo a fetang sohle seo Egepeta e se ruileng. 'Me eena, a tsamaisoa ka tumelo, o setse seo tumelo ea hae e se boletseng Lentsoeng, 'me ea mo tataisetsa tseleng ea kutlo, 'me qetellong ho ea Khanyeng, ho se shoe, ho se hhole a eshoa, ka pel'a Sefahleho sa Molimo. Pono le lithokutlo, li tataiselitse, le mahalihali, li isitse Faro lefung la hae, le tšenyehong ea Egepeta, sechaba sa hae, 'me ha se eso khutle haesale.

¹⁷⁴ Ke moo he. Sheba *sena*, u a shoa. Sheba Sane, u a phela. Joale ikhethele. Molimo o beile sona seo pel'a Adama le Eva, Tšimong ea Edene. Ua bona? Ka tumelo, u tšoanelo ho ikhethela.

¹⁷⁵ Joale lemohang, pono e isitse Faro lefung la hae, le tšenyehong ea motse oa hae.

¹⁷⁶ Moshe, ka tumelo ea hae, a se ke a tšaba Faro. Ua bona? A sa tsotelle seo Faro a se buileng. A sa tsotelle ka Faro, mokana 'm'ae le ntata'e ba sa tsotella lithorelo tsa bona. Mohla Moshe a na a kholisoa, 'me e le motho eo ea tla lokolla Egepeta . . . kapa ea tla ntša Iseraele Egepeta, a se ke a hlola a tsotella seo Faro a se buileng. A sa mo tsabe. Amen, amen, amen! Le bona seo ke se bolelang? [Phutheho e re, “Amen.”—Mong.]

¹⁷⁷ Tšabo ha eo tumelong. Tumelo e tseba hoo. Tumelo, se ka ke buile khafetsa, e metse litšika tse kholo, e mohoete sefubeng. Tumelo e itse, “Thola!” 'me mang le mang o a thola. Ke phetho. “Ke tseba moo ke leng teng!”

Ba bang bohole ba re, “Be, joale, mohlomong o a khona.” Ua bona?

¹⁷⁸ Empa u tlameha ho ema u pepese litšika tsa hao. Ke phetho. Tumelo e etsa hoo.

¹⁷⁹ Lemohang, Moshe a se hlole a tšaba Faro hoba Molimo a netefatse pitso ea hae. Enere ha Moshe a lumela hobane o bilelitsoe seo, empa eare ha Molimo o 'molella holimo mono, "Ho joalo," 'me a theoha a bontša pel'a Faro, le ba bang bohle, hore o romiloe ho e etsa, Moshe a se hlole a tšaba Faro.

¹⁸⁰ Lemohang, Faro o sebelisitse bohlale ba hae holim'a Moshe, le hona. Shebang. O itse, "Ke tla u bolella taba, ke—ke tla tlabola tumellano le uena." Hoba likotsi li mo je li mo qete, o itse, "Ke tla tlabola tumellano le uena. Tsoa u rapele nakoana, matsatsi a mararo. Tsamaea bohole bo bokana, u se fete mono." Empa, u a tseba, e . . . Lithokutlo tsa Faro li 'moleletse hoo, ua bona, "U tsamaee hakana feela, 'me u se fete moo."

¹⁸¹ Na ebe ha re fumane mofuta oo kajeno? "Ha u ingolisa kerekeng feela, ho itoketse."

¹⁸² Empa, u a tseba, tumelo ea Moshe keha e sa lumele borapeli ba "ha-kaale." O itse, "Re tsamaea kaofela. Re tsamaea tsela eohle. Ke hantle. Re ea lefatšeng la pallo. Ha re tsoele mona feela ho bopa bolumeli, re ntano ema. Rea phunyeletsa." Amen. "Ke ea lefatšeng la pallo. Molimo o re tsəpisitse."

¹⁸³ Re fumana bo-Faro ba bakae kajeno ba eme sefaleng, lihlooho tsa mekhatlo! "Joale, ha u etsa *sena* feela 'me u etsa *sane*, ho lekane. Be, ua bona, ha kaale feela."

Empa Moshe a re, "Oh, che! Che, che! Che, che!" Ua bona?

¹⁸⁴ Faro o itse, "Be, hore'ng u sa etse hoo? Haeba u tla tšoara borapeli ba mofuta oo, ke tla u bolella u etse'ng, ho ee uena le baholo feela ho rapela, ua bona. Uena le baholo le ee ho rapela. Hobane, le ka ipetlela bohole borapeli ba mokhalo oo, empa le se bo kenyē har'a batho."

¹⁸⁵ Lea tseba Moshe o itse'ng? "Ho ke ke ha sala le tlhakoana. Re tsamaea tsela eohle. Re tsamaea bohole! Ekare ha ba sa ee le 'na ha ke ee. 'Me, ha feela ke le mona, ke matsohong a hao.' Amen. "Ekare ha ba sa ee le 'na ha ke ee, 'me ke phetho." Oh, mohlanka ea khabane hakakang! Amen. "Ke batla ba tsamaee le 'na. Haele moo 'na ke e fumane, ebe ke lula fatše ke re, 'Be, joale, *sena* se itoketse?' Che, monghali. Re batla le batho, le bona. E mong le e mong oa rōna o a tsamaea." Amen. O itse, "Re ke ke ra siea le nku, kapa letho, morao. Ha ho tlhako e tla sala. Bohle re ea lefatšeng la pallo." Amen!

¹⁸⁶ "E mong le e mong oa rōna! U ka ba 'malelapa, u ka bang e—e lekhabunyane, u ka bang mosalimoholo, kapa mohlankana, kapa monnamoholo, kapa u ka bang eng, rea tsamaea, leha ho le joalo. Ha ho sale le ea mong oa rōna."

Amen. “E mong le e mong oa rōna o a tsamaea, ‘me re ke ke ra thiba letho.’ Ke hantle. Khele! Ho hlile ha ngangisanoa ka litumelo tseo mono, ha ho joalo? Oh, khili!

¹⁸⁷ Che, Moshe ha a lumellana le ntho ena ea borapeli ba “hakaale.” Che, a sa lumele seo. Huh-uh. E, monghali. Oh, khili!

¹⁸⁸ Re ka qeta letšeare lohle mono, empa ke tlameha ho finyella therø ea ka ka mora nakoana ‘me ke qale ho rera.

¹⁸⁹ Lemohang, lemohang sena, se setle hakakang! Oh, ke rata sena. U a tseba, qetellong, Faro o itse, “Tsoa!” Molimo oa mo otlaka hakana, ka puo ea Moshe. Ua otla ntho eohle. A etsa sohle se ka etsoang. A emisa e...a tima letsatsi, har'a mpa ea letšeare. A etsa sohle. A—a ntšofatsa matsatsi. A hlahisa lihoho, matsetse, nta, le sohle, mollo, mosi, le lefu malapeng a hae, le ntho eohle. A etsa sohle ho fihlela, qetellong, Faro a tlameha ho re, “Tsoa! Nka sohle sa hao, u tsamaee.” Oh, khili! Ho rorisoe Molimo!

¹⁹⁰ Ke thabetse monna ea ka sebeletsang Molimo ka bottlalo ho fihlela eena, liabolosi, a se tsebe a etse'ng ka eena. Ke hantle. Ho utloa Molimo ka bottlalo hoo liabolosi a itseng, “Oh, khili, tloha! Ha ke—ke sa batla ho e utloa.” Ke hantle. U ka e etsa, ka bottlalo.

¹⁹¹ Ua bona joale, holane—holane Molimo a sa tšehtsa Moshe, ekabe ebile setsehisa. Empa Molimo a le teng hantle mono, a thasisetsa. Sohle seo a se buileng, se hlahile.

¹⁹² 'Me Faro a tlameha ho baballa maemo a hae, kaha e ne e le bishopo, u a tseba, ka hona a—a tlameha ho sala mono. A ke ke a latola. A ke ke a re che, kaha e ntse e etsoa. Ua bona? A ke ke—a ke ke a e hanetsa, hoba e ntse e etsahala. Ka hona qetellong o itse, “Oh, ako tsoe! Ha ke sa batla ho u utloa hape. Tsoa mona! Nka liphahlo tsa hao tsohle, ‘me u tsamaee!” Oh, khili!

¹⁹³ Joale re fumana Moshe, mona, hoba Molimo a mo etsersetse tse ngata hakana, a mo bontšitse lipontšo tse ngata le meeka. Joale, metsotso e latelang e leshome le hlano, re tla e phuthulla fatše mona hantle. 'Me le be le hlokomele ka ho tiea. Moshe o fihlike setšeng sena moo a . . .

¹⁹⁴ Molimo o itse, “Ke na le uena. Mantsoe a hao ke Lentsoe la Ka. Ke u paketse eona, Moshe. Uena, mohla lintsintsi li leng sieo naheng, sehla se sa lumeleha, ‘me u itse, ‘Lintsintsi li be teng,’ eaba lintsintsi li a hlaha.’ Ke popo eo. Ke mang ea ka apesang lefatše ka lefifi, ntle le Molimo? O itse, “‘Lefifi le be teng,’ eaba lefifi lea hlaha. U itse, ‘Lihoho li be teng,’” eaba lihoho li kena esita le tlung ea Faro, malaong, ‘me ba li olla ba li etsa liqubu tse kholo. ‘Mopi! “‘Me Ke buile ka uena, Moshe, ‘me—‘me Lentsoe la Ka la bopa ka melomo ea hao. Ka nepahalo Ke bile ka u fetola molimo pel'a Faro.” E, monghali. “Ke entse sena sohle.”

¹⁹⁵ 'Me ke bana ba fihla tulong, ha tsoha teko e sa tsebisahaleng, eaba Moshe o qala a hooeletsa, "Nka etsa'ng?"

¹⁹⁶ Ke batla le ele hloko. Ena ke thuto e kholo mona joale. Ke rata sena, ua bona. Ua bona, Moshe, haeba re bala hantle mona, ho thoe Mo-... Enere, ha bana ba qala ba tšoha, ba bone Faro a ba phalletse, ba le leetong la kutlo.

¹⁹⁷ Molimo o na a phethile sohle ka phethahalo. Joale O qala a ba kenya leetong la bona. O phuthile kereke 'moho. Ba bitselitsoe kantle. Ba tsoile bolumeling bo bong le bo bong. Bohle ba kopane. Moshe o ne a khutletse morao koo, 'me a re, "Morena, ke tšoanelo ho etsa'ng?"

¹⁹⁸ O ne a tla re, "Be, tloha u etse *sena*." Ho lokile, a tsoele pele. "Joale, Moshe, u tseba Ke u bilelitse ho etsa sena."

"E, Morena."

¹⁹⁹ "Ho lokile, tloha u bue *sena*, 'me se tla etsoa," lintsintsi ke tsena li hlaha. "Bua *sena*," 'me ke ena e hlaha. "Etsa *sena*," ke ena e hlaha. Sohle e le HO RIALO MORENA, HO RIALO MORENA, HO RIALO MORENA! Joale o kena bothateng...

²⁰⁰ 'Me Molimo oa re, "Joale Ke ba kentse leetong la bona. Bohle ba bitsitsoe ba ntšitsoe. Kereke e 'moho, ka baka leo Ke ba kentse leetong la bona. Joale, Moshe, ba tšelisetse koo. Ke u laetse joalo. Ke tla itulela ke phomole nakoana."

²⁰¹ Moshe a re, "Oho Morena, sheba ho tla'ng, Faro ke enoa a e tla! Batho bohle ba... Ke tšoanelo ho etsa'ng? Ke tšoanelo ho etsa'ng?" Ua bona mono, na batho ha ba joalo? E, monghali. A qala a hooeletsa, "Ke tšoanelo ho etsa'ng?"

²⁰² Mona re bona Moshe ka ho totobala, a ruile tlhaho e feletseng ea motho, kamehla u batla Molimo a eme ka mor'a hao a u khothomeletse nthong. Joale, bao ke rōna kajeno. U batla Molimo, hoba re bone sohle seo re se boneng, empa re batla Molimo a u sutuletse nthong e 'ngoe. Ua bona?

²⁰³ Moshe o na a iketlile feela, ho re, "Molimo, ke tla ea U botsa, ho bona na U reng. Ee, ee, U se bue. Be, ho lokile, ke tla se bua, le 'na." Ua bona?

²⁰⁴ Empa mona Molimo o no o mo khethetse mosebetsi, A pakile a eme le eena. 'Me ke enoa, maemo a tsoha, ebe o se a hooeletsa, "Ebe nka etsa'ng? Morena, ebe nka etsa'ng?"

²⁰⁵ Joale le hopole, mona o se a porofetile, hoba o itse, "Baegepeta bana le ba bonang kajeno, ha le sa tla ba bona." 'Me a ntoo qala a hooeletsa, "Molimo, ebe nka etsa'ng?" Ua bona? Hoba a etse mosebetsi o motle oa ho porofeta mono. U a bona, o sa tsoa ba bolella se tla etsahala. Efela ha Lentsoe la Molimo le ahile ka ho eena, Le ne le le ka ho eena. 'Me eitse ha a rialo, ka tšoanelo e etsahetse. Seo a se boletseng se se se tla etsahala, 'me ke enoa o ne a hooeletsa, "Ke tla etsa'ng na?"

²⁰⁶ Oh, haeba e se batho bao! Haeba e se 'na eo! Haeba e se 'na eo! Ua bona?

²⁰⁷ O se a pakile, "Seo u se boletseng se tla etsahala. Ke na le uena."

²⁰⁸ 'Me maemo ke ana a hlahile ka motsotsaana. "Ke tsoanelia ho etsa'ng? Ke tsoanelia ho etsa'ng, Morena? Hela, Morena, U ho kae? Hela, U a nkutloa na? Ke tsoanelia ho etsa'ng?" Atho O sa na a mo khethie, a ba a mo netefatsa, le ho paka le ho etsa sohle ka eena. 'Me mona, "Molimo?" Oh, khili! Hoo ho hlanola ka bottlalo, motho o batla ho phomola a re Molimo a sututse.

²⁰⁹ 'Me, le joale, o tsebile Molimo a mo tlotselitse ketso ena, ho etsa sena, 'me Molimo o se o netefalitse maipolelo a hae. Nako ea toelo ea batho e ne e tlie. Molimo, ka mehlolo ea Oona le meeka, keha o ba tlammie bohole ngata e le'ngoe. Le ntse le ntatetse na? [Phutheho e re, "Amen."—Mong.] Ho ba tlama 'moho sehlopha se le seng, ho netefatsa mairolelo a hae. Lengolo le itsalo; bopaki e ne e le bona bona, pontšo e ne e le eona ena mona, sohle seo a se buileng. Mohlang oo o kene har'a bona e le moperofeta. Ekaba eng, sefe seo a se buileng, Molimo o se hlomphile, esita le ho bopa le ho hlahisa lintsintsi, le ho hlahisa lintho li be teng. 'Me eng le eng A mo tsepisitseng eona, ke ena O e entse.

²¹⁰ Empa keha a batlile ho emela HO RIALO MORENA. Ua bona? O tlamehile a ba a tsebile hobane eona netefatso ea pitso ea hae e ne e le HO RIALO MORENA. Mosebetsi a na a o tlotselitsoe e ne e le HO RIALO MORENA. Le khona ho e tšoara? [Phutheho e re, "Amen."—Mong.] Hum! Ebe hobaneng a ile a emela HO RIALO MORENA?

²¹¹ O ne a batlile, "Morena, ebe nka etsa'ng? Ke 'na enoa ke ntsitse bana bana, ho fihla mona. Maemo ke ana a tsohile, Faro o phalletse. Bohle ba tlil'o shoa. Ke tšoanelia ho etsa'ng? Ke tšoanelia ho etsa'ng?" Hum! Hum!

²¹² O lepile seo ba tlang ho se etsa. O se a se boletse ka nepahalo, ho e etsa. O se a tlalehile pheletso ea sona sechaba seo a holiselitsoeng ho sona. Kea tšepa le a utloisia. [Phutheho e re, "Amen."—Mong.] Ua bona? Moshe o se a buile, "Ha le sa tla hlola le ba bona. Molimo o tlil'o ba timetsa. Ba le somme halelele. Molimo o tlil'o ba timetsa." O se a lepile se tla ba hlahela.

²¹³ Ebe, "Morena, ke tšoanelia ho etsa'ng?" Le bona semelo sa motho mono? Ua bona? "Ke tšoanelia ho etsa'ng? Ke tla emela HO RIALO MORENA." E, monghali. "Ke tla bona seo Morena a se buang, ke moo ke tla se etsa." Huh!

²¹⁴ Hopolang, ho no ho hlahile faro ea sa tsebeng Josefa, u a tseba, nakong eo, hantle nakong eo. Ua bona? Ua bona? 'Me eaba Moshe o ema tsoe a lepa pheletso ea sechaba seo.

²¹⁵ 'Me ke enoa o mathuleng a ketsahalo eo, a ntano hooelletsa, "Ke tšoanelo ho etsa'ng, Morena? Ke tsoanelo ho etsa'ng?" Ua bona? Na bao hase bana ba batho? Ana seo hase semelo se pala sa motho? "Ebe ke tla etsa'ng?" Huh!

²¹⁶ O se a qetile, a porofetile. Molimo o hlomphile sohle seo a se boletseng, a bile a bilelitsoe mosebetsi, ebe hobaneng a ne a tlameha ho re, "Ke tšoanelo ho etsa'ng?" Thoko e ne e hlahile; e itšetlehile ho eena ho e bua. Molimo o ne a batlile hore Moshe a kenyē neo eo ea tumelo, eo O mo neileng eona, a e sebelise. Molimo o no o netefalitse. E ne e le 'Nete. 'Me Molimo a batlile Moshe, hore batho ba bone hobane O na le Moshe.

²¹⁷ 'Me eena, morao mono, a ema, ho re, "Joale, Morena, 'na ke lesea feela. Ke batla ho bolelooa ke Uena joale."

"Ee, ke tla ea etsa *sena*. Ke tšoere HO RIALO MORENA."

"Moena, na ebe hoo ke HO RIALO MORENA?"

²¹⁸ "E, e," Moena Moshe, "hoo ke HO RIALO MORENA. Ee."

²¹⁹ "Ke bottle, re e fumane joale, HO RIALO MORENA." 'Me ea etsahala. Ha eso hlolehe hang. Ha eso hlolehe.

²²⁰ 'Me ke ena kahar'a maemo, a boela a hlaha. Joale O mo hlahletse leetong. Kereke e se e bitsitsoe, o ba kentse leetong, 'me ba ntse ba nyoloha. 'Me eaba Moshe o qala a hooeletsa, "Morena, na ebe ke HO RIALO MORENA? Ke tsoanelo ho etsa'ng?" Ho lokile.

²²¹ Molimo o na a batlile Moshe a be le tumelo, eo A na a e kentse kahare, kahar'a neo eo ka ho hlaka A seng a—a e netefalitse. Molimo o se o no o kholise Moshe le batho hore e ne e le Oona, ka Lentsoe le ka lintho tse boletsoeng tse hlahileng. E ne e tsebahalitsoe ka ho hlaka. O ne a sa hloke ho 'na a toute hape ka eona. Ua bona? A sa hlole a hloka ho nahana letho ka eona, hoba e se e hlakisitsoe. 'Me o se a entse lintho tsena. 'Me o se a pakile, ka lintsintsi le matsetse, tseo a li bopileng ka polelo, hore Lentsoe la Molimo le ahile ho eena.

²²² Ka hona mona o tlil'o botsa joale na a etse'ng, athe maemo a mo etile pele. Ua bona? Oh, khili!

²²³ Ke tšepa sena se tebela ka ho rōna, 'me re ka bona moo re leng teng. Ua bona? Na ha e le holise *hakaalo*? [Phuthetho e re, "Amen."—Mong.] Ho hopola Moshe ea qohollang liphoso tsa hae, 'me le boele le shebe tsa rōna. E-ea. Ua bona?

²²⁴ Ke enoa, o eme mona, ua bona, o tsebile Mangolo a boletse eo e le hora le letsatsi la ketsahalo eo, 'me o tsebile Molimo o kopane le eena ka Topallo ea Mollo. 'Me Ea tloha ea ema pel'a batho ea etsa mehlolo ena. 'Me sohle seo a se boletseng, se etsahetse, esita le ho bopa lintho. Ho etsa tse ka etsoang ke Molimo o inotši, ho supa hobane puo ea hae e ne e le Puo ea Molimo.

²²⁵ 'Me mona ho hlahile maemo har'a batho bao a ba emisitseng, a ba isa lefatšeng la pallo, 'me a eme, a ntse a hooeletsa, "Ke tšoanelo ho etsa'ng?" Ke motho eo, o batla feela ho . . .

²²⁶ Joaloka Moena Roy Slaughter, ke kholoa a lutse kantle ho monyako mono, a kile a mpolella, mabapi le motho ea nketsang ntho. 'Me ka re, "Be, ke entse sena, 'me joale ke seo."

²²⁷ A re, "Moena Branham, ere kajeno ba itšetlehe lehetleng la hao, 'me hosane o a ba pepa." 'Me ehlile batho ba joalo. Ho itšetleha lehetleng la hao kajeno, 'me hosane o a ba pepa.

²²⁸ Ke eona, ke seo Moshe a na a se etsa. Molimo o na a loketse ho mo pepa ka mora hoba A mo tlotsle le ho paka ho e etsa. 'Me ke kholoa batho ba itse, "Moshe, bua lentsoe. Ke u bone o e etsa mono. Molimo o u hlomphile mono, 'me esale uena kajeno." Amen. Ua bona? "E etse!" Amen. O tlamehile a ba a tsebile, empa che. Ho lokile. Kamoo ho etsahetseng mohlang oo, ho a tšoana le joale. Re fumana, seo. Ka hona A re, "Mo- . . ."

²²⁹ E tšoanetse e be e khathalitse Molimo. E tšoanetse e be e khopisitse Molimo. O itse, "U ntse u hooeletsang ho 'Na? Na ha Kea paka boitsebiso ba Ka? Na ha Kea u bolella hobane Ke u rometse mosebetsi oo? Na ha Kea u bolella ho etsa sena? Na ha Kea tšepisa ho etsa sena; ho re Ke tla lula molomong oa hao, le hobane Ke tla bua ka uena le hobane Ke tla etsa sena, 'me u tla bontša mehlolo le meeka? Na Ke tsepisitse ho e etsa? Na ha Kea etsa hoo ka nepo, ka falatsa sera sefe le sefe se u likileng? 'Me ke mona u eme kantle mona joale, Leoatleng le Lefubelu, hantle tseleng ea kutlo, seo Ke u laetseng ho se etsa, le joale u sa hloliea u hooeletsa ho 'Na. Ana ha u lumele ho 'Na? Ana ha u bone Ke u rometse ho etsa sena?" Oh, haese ngoana motho eo! Khele! Ka hona e tlamehile e be e Mo khopisitse.

²³⁰ 'Me O itse, "Ua tseba u na le tlhoko eo. Ua tseba haeba u tla tšelisetsa bana bana lefatšeng leo la pallo. Ke eona. U honyetse mona sekhutlong. U ke ke ua etsa letho. Tlhoko e teng. U ntse u Nkhooelletska ka life? U ntse u talimela'ng ho 'Na? U ntse u bitsa ho 'Na ka life? Na ha Kea pakela batho? Na ha Kea u pakela? Na ha Kea e bitsa? Na ha e kheme le Mangolo? Na ha Kea tšepisa ho isa batho bana lefatšeng leo? Na ha Kea u bitsa le ho u bolella Ke tla e etsa? Na ha Kea bitsa le ho bolella hobane Ke u romile ho e etsa, hore e ne e se uena, e ne e le 'Na? Le hobane Ke tla theoha Ke lule melomong ea hao, 'me sefe seo u se buileng, Ke tla se netefatsa le ho se paka. Na ha Kea e etsa?

²³¹ "Fale, nthoana ha e tsoha, u itsoara sa lesea ke'ng? U tlamehile u be u se u le monna. Bua le sechaba," amen, "u ntano tsamaea!" Amen. Ke moo he. "U se ke ua hooeletsa. Bua!" Amen. Oh, ke rata seo. "U Nkhooelletska ka life? Bua le sechaba feela u tsoelepele morerong oa hao. Leha ekaba eng le eng, ekaba maloetse, kapa eng le eng, ho tsosa bafu, kapa eng le eng, bua! Ke e pakile. Bua le sechaba."

²³² Thuto e kakang! Thuto e kakang, oh, khili, lekhatheng lena la leeto moo re emeng. Shebang re hokae joale, e, monghali, Khulong ea Boraro. Lemohang, reeme monyako hantle, oa ho Khutla ha Morena.

²³³ O ne a tlotselitsoe mosebetsi, 'me a sa ntse a emetse HO RIALO MORENA. Molimo o tšoanetse a ba il'a khathatsoa ke eona. Oa re, "U se hhole u hooelletsa. Bua! Ke u romile."

²³⁴ Oho Molimo, Kereke ee e tlamehile e be e le eng hoseng hona! Ka ponahatso e phetehileng ea Molimo, ka Topallo ea Mollo le ka lipontšo le mehlolo, sohle joaloka matsatsing a Sodoma. O itse e tla boela e khutla.

²³⁵ Lefatše ke lena le maemong a lona. Sechaba ke seo se maemong a sona. Basali ke bao ba maemong ao. Monna ke eo o maemong ao. Kereke ke eo e maemong ao. Ntho eohle ke eo. Lielemente, lipontšo, lipirinki tse fefohang le sohle lipakapakeng, le mehlolo ea mefuta eohle, le leoatle le rorang, maqhubu a khorohang, lipelo tsa banna lia ema, tšabo, tsieleho ea nako, khohlano har'a lichaba, kereke e a koeneha.

²³⁶ 'Me monna oa sebe o a tsoha, ea ipahamisang holim'a hohle; ho bitsoang Molimo, o lutse tempeleng ea Molimo, a iponahatsa, oh, khili, 'me o tlide sechabeng sena. 'Me kereke e bopile mokhatlo, 'me bohle ba ipopile ngata, e le lihlola tsa seotsoa, e ntho eohle ka mokhoa oa bootsoa.

²³⁷ Bootsoa, ke eng? Ho bolella basali ba ka kuta moriri oa bona, ho bolella basali ba ka apara lishotso, ho bolella banna ba ka etsa *sena* 'me ba ka etsa *sane*; le bareri, ba etsa *sena*, le evangeli a eang ka batho le lintho. Ha le bone na, ke ho feba le Lentsoe la Molimo la makhonthe!

²³⁸ 'Me Molimo o re romeletse Lentsoe la Hae la makhonthe, le sa khetheng nku ka pere, ha Le ee ka leeme, le ho re abela Topallo ea Mollo, Moea o Halalelang o hlotsegeng le rōna joale lilemo tse mashome a mararo. 'Me sohle seo A se tlalehileng pele le ho se bolela, se hlahile ka nepahalo eo A se entseng.

²³⁹ Bua le batho, 'me re tsoelepele. Amen. Re na le morero, ke Khanya. Ha re hateng re ee ho Eona. Re habile Lefatše la pallo. "Tsohle li ka etsetsoa ba lumelang." "Bua le batho. Na ha Kea e paka. Na ebile ha Kea katlatsoa foto ea Ka har'a lona, le eng le eng, le ho etsa eng le eng e ka etsoang, ho paka ha Ke e-na le lona? Na le limakazine, liveke tse 'maloa tse fetileng, ha lia hlahisa seratsoana, athe u boletse sefaleng mona se tla hlaha kantle mona, likhoeli tse tharo pejana, 'me ke eo e tloha e etsahala 'me ea netefatsa? Esita le mahlale a e tseba. Le sohle seo Ke se entseng, 'me u sa ntse u lebeletse. Bua le batho 'me u tsoelepele morerong oa hao." Amen.

²⁴⁰ Na Nathane ha a bolella Davida? Nathane, moporofeta, a lutse mohla o mong, a bona Davida morena ea tlotsitsoeng, a

re, "Etsa sohle se pelong ea hao, hoba Molimo o na le uena." Ho borella Davida, "Etsa sohle se pelong ea hao, Molimo o na le uena."

²⁴¹ Joshua o na a tlotsitsoe ho hapela Molimo le batho ba hae lefatše. Letsatsi le le lekhutšoane. A hloka nakoana ho phetha mosebetsi a o tlotselitsoeng a o ronngoeing ho o etsa. Joshua, monna, o na a tlotsitsoe. Molimo oa 'molella, "Joaloka ha Ke bile le Moshe, Ke tla ba le uena." Amen. "Lefatše leo, Ke tla ba nea lona. 'Me Ke batla u tšelete koo u le hloekise Baamaleke, le—le boHit... Bohle—bole ba bang, Baflista le—le Bapereze, le ba bang ba fapaneng, ho ba hloekisa. Ke na le uena. Ke tla... Ha ho motho ea tla ema pel'a hao, matsatsi ohle a ho phela ha hao. Ha ho motho ea ka u hlophang. Tloha u kene mono."

'Me Joshua a tsomula sabole eo a re, "Ntateleng!"

²⁴² 'Me eaba o fihla koo, 'me ke enoa o ntse a loana. 'Me e le eng? Eaba o thibella sera. E le lihlotsoana *mona* le lihlotšoana *mane*. Boisu ha bo tšoara, ba tla teana bohole ba tlatsane, ba ipope sera se matla khahlano le eena. Le letsatsi le se le likela. A hloka leseli le itseng. Letsatsi le ne le likela. Ha a oa ka mangole a re, "Morena Molimo, ke tla etsa'ng? Ke tla etsa'ng?" O ile a bua! A le hlokong. O itse, "Uena letsatsi, ema!" Ha a hooeletsa letho. A laela, "Uena letsatsi, ema! Ke hloka sena. Ke mohlanka oa Morena, ea tlotselitsoeng morero ona, 'me ke na le tlhoko. Ema, u se bone... Le uena, khoeli, u lopalle hona moo," ho fihlela a qeta ntoa a falatsa ntho eohle. 'Me letsatsi la mo utloa.

²⁴³ Ha a hooeletsse letho. O buile le letsatsi, ho re, "Uena u eme. Letsatsi, lopalla mono! 'Me, uena khoeli, u lule moo u leng teng." Ha a hooeletsa, "Morena, joale nka etsa'ng? Mphe leseli la nakoana." O ne a hloka leseli la letsatsi, eaba o le laela ke hona, 'me letsatsi la mo utloa. Oh, khili! A laela letsatsi ho ema.

²⁴⁴ Samsone, ea tlotsitsoeng, o ile a tsoha, a khethiloe ke Molimo, a fuoe neo ea matla, a khethetsoe ho timetsa secahaba sa Baflista. A khethetsoe, a tsoetsoe lefatšeng, a tlotsitsoe ke Molimo, ho timetsa Baflista. 'Me tsatsi le leng ba mo khaoletsa naheng, a sa tšoara sabole ea hae, a sa nka lerumo. 'Me sekete se hlometseng sa Baflista sa mo oela sehloho hang. Na o kile a khumama a re, "Oho Morena, ke emetse pono? Oho Morena, ke tšoanelo ho etsa'ng? Ntaele ke tla etsa'ng joale"? O itsebile a e-na le tlhoko. Ha a thola letho haese mohlaare oa khale oa moulu, eaba o khethula sekete sa Baflista. Amen!

²⁴⁵ Ha a hooeletsa Molimo. A sebelisa neo ea hae e tlotsitsoeng. O tsebile a ronngoe mosebetsi. O itsebile a tsoaletsoe hoo. O itsebile a tlotsitsoe ka neo, 'me a khethula sekete sa Baflista. A se ke a hooelletsa ho Molimo. Molimo o mo khethile oa mo netefatsa a le seo, ka lintho tse ling tseo a li entseng. 'Me e le mohlanka ea netefalitsoeng, ea tlotsitsoeng

oa Molimo, ho timetsa Baflista, 'me o e entse. Ho sa tsotelehe maemo, o e entse. A se ke a kopa letho. Oo e ne e le mosebetsi oa hae. Hoo, Molimo o no o sebetsa ka eena; a sela lessapo leo la moulu a tloha a hlatha Baflista. Kamoo eona . . .

²⁴⁶ Khele, kotlo hang ka ntho eo, holim'a le leng la mahata ao a borase a botenya ba inchi-le-halofo ka mokhoa oo, le be le ka hasanya lesapo leo liphatsa tse milione. 'Me eaba o hlatha sekete sa bona, a ba bolaea, a sala a le kokositse letsohong la hae.

²⁴⁷ Ha a botsa lipotso. Ha a hooletsa. O buile. A ba phothoma. Oh, khili! "Ho futuhela Baflista, na nka futuhela Baflista, Morena? Ke—kea tseba U nthomile ho e etsa, Morena. E, Morena, kea tseba U nthomile ho timetsa sechaba sena sa Baflista. Joale ke mona, ke likiloe ke sekete sa bona, 'me ha kea tšoara letho. Ke eng, ke tla etsa'ng joale, Morena?" Oh, khili! Ha ho letho le tla mo tšoenya. O tlotselitsoe mosebetsi oo. Ha ho letho le tla u lematsa. Che, le ntho le e 'ngoe. Allelua! A mpa a kokosa seo a se tšoereng a ba ratha. Ke hantle.

²⁴⁸ Mohla sera se mo phothommeng, ha thoe, "Joale re mohla hlahletse kahar'a marako, re mo kotse joale. Re mo hlahletse kahare ka mona le mosali enoa. Joale re notletse monyako, ka mathoko hohle, 'me a ke ke a tsoa. Re mo qhaulitse."

²⁴⁹ Samsone ha a hooletsa, "Oho Morena, ba ntinkelitse ka bolumeli bona ba kereke." Huh! "Uh, ke tla etsa'ng na? Ke ingolisitse le bona. Ke tla etsa'ng?" Ha a etsa hoo.

²⁵⁰ A tloha feela a itsoela, a motsula khoro eo, a e jara lehetleng la hae, a ikela ka eona. Amen! O ne a tlotselitsoe mosebetsi oo. A bitsitsoe ke Molimo. Ha a koalloa kahare. Che, lekhale! A motsula likhoro a ikela ka tsona. A se ke a rapela ka baka la tsona. Ha a botsa Molimo ho e etsa kapa che. E ne le mocheng oa tšebetso hantle. Amen, amen, amen! Hantle leetong la tšebetso. "U ntse u Nkhooelletska ka life? Bua, 'me u tsamaee!" Amen! "U se hooelletse. Bua!" O lesitse ho lumaluma le ho ingamangama joale. O tlamehile a ba a holile ho lekaneng ho bua. Ke hantle. O tsebile neo ea hae e tlotsitsoeng ea matla e ka falatsa Moflista ofe ea emeng ka pel'a hae. Amen.

²⁵¹ Empa rōna ha re tsebe hoo, u a bona. Re sa le masea, 'me botlolo e molomong oa rōna.

²⁵² O e tsebile, o tsebile Molimo a mo hlahiseltse morero oo, 'me ho se letho le tla ema pel'a hae, matsatsi oohle a bophelo ba hae. Ho se letho le ka mo timetsang. A hlahiseltsoe morero oo, joaleka Moshe. Ha ho letho le tla mo thibela. Ha ho Baamaleke kapa le letho ho mo thiba. O tseleng e eang lefatšeng la pallo. Samsone o itsebile a kene leetong.

²⁵³ Joshua o a tseba o ne a hapa lefatše. O ne a netefalitsoe. Lentsoe la Molimo le e tšepisitse, 'me Moea o Halalelang o le teng mono o e netefatsa.

²⁵⁴ O ne a le tseleng ea hae, ho se letho le ka mo etang tseleng. Che, monghali. Hantle leetong la kutlo, le Molimo, ho se letho le tla mo eta tseleng. A tsomula likhoro ke hona a li jara lehetleng la hae, li batla li etsa boima ba litone tse 'ne kapa tse hlano, 'me a hloa leralla a lula holima tsona. Ha ho letho le tla mo eta kapele tseleng. O na a ruile neo e tlotsitsoeng ho tsoa ho Molimo. A sa tlameha ho hooeletsa, "Morena, ebe ke tšoanelo ho etsa'ng joale?" O se a tlotsitsoe ho e etsa. E ne le HO RIALO MORENA, "Li tsomule!" Alleluia! "Li tsomule! Ke u hlahiseltse morero oo." Amen.

²⁵⁵ "Ke tšoanelo ho etsa'ng, Morena? Uh, ke tla etsa'ng mona Leoatleng le Lefubel?"

²⁵⁶ "Ana ha Ke a u bolella Ke u file pontšo ea thaba kantle mona? U khutlela thabeng eo, 'me u tla isa bana bana lefatšeng leo. Na ha Kea u biletla morero oo? U tšoenyehile ke'ng ka se emang tseleng ea hao? Bua, 'me u qale u tsamaee!" Amen hape amen! "E-ea, Ke u bilelitse morero oona."

²⁵⁷ Davida, o itsebile a tlotsitsoe, a netefalitsoe a nepa. A tseba hobane ba mo tsebile a nepa. Davida o ne a tlotsitsoe. O a e tseba. 'Me enere ha a eme ka pel'a Goliathe, ha a hooeletsa, "Oho Molimo, ke tšoanelo ho etsa'ng joale? Bea butle, na ke tšoanelo ke-ke... Ke tseba seo U se entseng mehleng e fetileng. Uena, U nthusitse ho bolaea bere, 'me U nthusitse ho bolaea tau. Empa ho thoeng ka Goliathe enoa kantle mane?" Huh! Ha a etsa hoo. O buile feela. O itse'ng? "U tla tšoana le tsona, mahlong a hao." O buile 'me a tsoela pele.

²⁵⁸ Ha a ka a rapela thapelo. Ha a ka a hlahisa letho. O tsebile hobane o tlotsitsoe. Amen. O ne a tlotsitsoe, 'me letjeketjane leo le ipakile e le ntho e loketseng. A ba le tumelo tlolong ea hae. A ba le tumelo e reng Molimo o ka tobisa lejoe leo hantle bohareng ba kokoro eo mono, tulong e le 'ngoe e neng e ka otloa. O ne a eme mono.

²⁵⁹ O itsebile a nepa. Amen. O itsebile Molimo o mo entse hoo. Amen. O tsebile o kile a bolaea tau, o tsebile a kile a bolaea bere, empa mono e le leruo la ntata'e oa lefatše. Mona ke leruo la Ntata'e oa Leholimo! Amen. A se ke a khumama, "Tšoanetse... Na ke tšoanetse ho etsa'ng joale, Morena?" A bua 'me a re, "U tla ba joaleka tau le bere, 'me ke 'na enoa ke e tla." Amen! Thoriso ho Molimo! E, monghali. A bua a qatsoha ho khahlana le Goliathe enoa. Oh, khili!

²⁶⁰ Ho sa tsottelehe boholo ba hae! A le monyenyane, a le mokhubetsoana, u a tseba. A se moholo haholo. Tšobotsi ea hae e sa khahle, mothoana ea batlang a futahane. Bibele e mo tlalehile a le mokhubetsoana. Joale, ho sa tsottelehe boholo ba hae le ho bitsitsoeng bokhoni ba hae ho e phethisa.

²⁶¹ U a tseba, e—e bishopo o 'moleletse, ha thoe, "Joale sheba mona, mora, monna eo ke moithuti oa thutamolimo. Ua bona,

ke mohlabani. O tsoetsoe e le mohlabani 'me ke... Esale e le mohlabani, bocheng ba hae; 'me ha u thaka ea hae." Le baholoane ba hae ba itse, "Oh, setlokotsebenyana tooe. U tlie koano ka morero, khutleha hae koana."

²⁶² Ea se mo hlopho. Hobane'ng? O itsebile a tlotsitsoe. "Molimo o 'namoletseng ho tau, Molimo o 'namoletseng linaleng tsa bere eo, A ka khona hakakang, ho ntoela ho Moflista eo. Ke a tla. Ke khahlana le uena ka Lebitso la Morena Molimo oa Iseraele." Amen. A se ke a rapelisisa; a se a rapetse. Molimo o mo rapelisitse pele lefatše le theoa. O na a tlotselitsoe mosebetsi oo. A tlamehile ho bua le ho khoroha. E le phetho se ka etsoang ka eona, ho bua feela le ho khoroha. Oh, e ne e le phetho. Oh! A se ke a...

²⁶³ Haele baholoane ba hae ba bolumeli, basomi bao ba emeng mono, hape, u a tseba. Oh, e. Keha ba eme mono ba re, ba soma ba iqabola, ba re... Baholoane ba hae, ua tseba, le ho re, "Ah, ah, ah, u ke ke ua khona. Uena, u mpa u le setlokotsebe." A se ke a sisinngoa ke letho. "U batla ho fapano le ba bang. U mpa u ikalakatisa." Holane e le boikalakatiso, bo ka be bo bonahetse. Ba mpile ba sheba lehlakore la bohlalefi.

²⁶⁴ Davida o tsebile tlolo ea oli e lutse holim'a hae. Amen. E sa etse phapang ea letho ho eena. O itse, "Moflista eo o tla ba joaleka ka bere le tau, ke tla ke hona." A e tlaleha le pele e hlaha. A etsa'ng? A bolaea bere. A bolaea tau. A lahla tau fatše ka... Ka eng? Ka e—ka letjeketjane, 'me a tšoara thipa, ha ntano latela bere. Tau, o bolaile tau ka thipa. Le Goliathe a mo sebetsa joalo. O mo lahlile fatše ka lejoe, eaba o tsomula sabole ea hae, a mo khaola hloho, hantle mono ka pel'a eona. O tlalehile'ng pele e hlaha? "Le uena u tla ba joaleka tsona." Hobane'ng? O buile lentsoe le tla e hlahisa, eaba o qatsoha ho e phethahatsa. Amen. Oh, moena! O buile, a ntoo laola maemo letsatsing leo.

²⁶⁵ Haeba ho fihlile nako eo monna a tlamehang ho bua, ke hona joale. Ho koaleng, metsotso e 'maloa e latelang haeba le ka mamella metsotso e 'maloa hape. Ke ngotse linthoana tse ling mona, ke batla ho finyella Mangolo a mang.

²⁶⁶ Petrose ha a hooelletsa, mohla a teanang le motho ea nang le tumelo ea ho folisoa, a robetse khorong e reiloeng e Lokileng. Ha a ka khumama a qeta bosiu bohole thapelang, le, kapa ho kena thapelang ea letsatsi lohle, thapelo ea tonana, e telele, le ho re, "Morena, ke U rapela joale U tle u thusen monna enoa oa batho e leng seritsa. Kea 'mona o na le tumelo. Kea mo tseba ke molumeli. 'Me ke mo botsitse, 'me o—o... ke—ke—ke... O itse o na le tumelo, o tla lumela seo ke 'moleletseng sona. 'Me 'na ke 'moleletseng ka e... ka seo U se entseng, 'me ke—ke nahana joale feela, Morena, hore—hore... Ana U ka mpha HO RIALO MORENA molemong oa hae?"

²⁶⁷ Che, o itsebile e le moapostola ea tlotsitsoeng. O tsebile Jesu Kreste a mo romile. “Folisang ba kulang, le tsose bafu, le ntlaufatse balepera, le leleke batemona. Le neiloe lefeela, le lona le fane lefeela.” O itse, “Petrose, e-ea u e etse!” A sa tlameha ho rapelisisa. O ne a romiloe.

²⁶⁸ O itse’ng? O itse, “Ka Lebitso la Jesu Kreste!” O boletse Lebitso la Jesu Kreste, ’me monna a ithoballa mono feela. Eaba o mo tšoara ka letsoho a mo phahamisa, a re, “Ema ka maoto a hao!” A mo tšehtsa ho fihlela maqaqailana a hae a tiea, a qala a tsamaea. Hobane’ng? Ha a tšoara thapelo ea bosiu bohle. Ha a hooeletsa Molimo. O tsebile a tiile, ho tsoa melomong ea Jesu Kreste, o ne a tlotselitsoe mosebetsi oa ona. Ee. O buile a mo phahamisa, hoba a itsebile e le moapostola ea tlotselitsoeng morero oo.

²⁶⁹ Batho ba robetseng seriting sa hae ha ba re, “Oh, tloo, moapostola Petrose, u hooeletse holim’ a rōna, u rapele holim’ a rōna thapelo ea tumelo, ho Molimo.” Che, che, ha ba rialo. Ba mo tsebile a tlotsitsoe e le moapostola oa Molimo ea pakiloeng. Ka hona ba itse, “E reng re robale seriting sa hae. Ha u a tlameha ho bua lentsoe. Rea e tseba. Re a e lumela.” Bophelo bo leng ka ho bona! Moapostola a sa khone ho ba finyella bohle. ’Me bona, ka bobona, ke karolo ea eona.

²⁷⁰ Moshe o itse, “Ha ho ee ’na ke ’notši. Re tsamea bohle.” Re tlamehie bohle ho etsa ho hong. Bohle re tlameha ho tlotsa.

²⁷¹ ’Me ba bone moapostola eo a eme mono, ba ’mona a folisa monna ea kulang ’me a etsa tseo a li entseng. Ba tsebile a ke ke a finyella ho bona. Ha thoe, ha ba re, “Petrose, tloo ’me—’me u etse thapelo, u be u eme ho fihlela u fuoe HO RIALO MORENA, ebe moo u tlang ho mpolella. Ho bona seo Morena a se bolelang.” Ba itse, “Re hloka ho robala seriting sa hae feela, hoba oona Molimo o nong o ahile ka ho Jesu Kreste o ka ho eena, ’me re bona tšebetso e tšoanang. Ka hona ba amile moleka oa seaparo sa Jesu ’me ba robala seriting sa Hae, ’me Jesu o ka har’ a monna enoa. Re hloka seriti seo se halime holim’ a rōna, re tla fola.”

²⁷² ’Me Bibele e tlalehile ho folile e mong le e mong oa bona. Thapelo ea bosiu bohle ha e eo, ho re, “Morena, na nka ea robala seriting sa moapostola enoa?” Che, ba e tsebile. Leseli le ne le ba khahlotse. Lipelo tsa bona li tletse. Tumelo ea bona e lokolotsoe. Amen. Ba e lumetse. Ba e bone. Masela a Pauluse, ka ho tšoana.

Joale, ho koaleng.

²⁷³ Jesu ha a hooelletsa mohla ba tlisang lehlanya la moshanyana ho Eena, a tšoeroe ke sethoathoa, a itihela mollong. Ha A re, “Ntate, Ke Mora oa Hao, ’me joale U Nthomile mona ho etsa *hore-le-hore, le hore*. Na nka folisa moshanyana enoa?” Ha A rialo. O itse, “Tsoa ho eena, Satane!” O buile, ’me eaba moshanyana o a fola.

²⁷⁴ Mohla A kopanang le Legione, matemona a likete tse peli a ahile ka ho eena, Jesu ha a hooeletsa. Ke matemona a na a hooeletsa, “Haeba U re leleka,” oh, khili, “re lumelle ho kena mohlapeng oo oa likolobe.”

²⁷⁵ Jesu ha a re, “Joale, Ntate, na Nka khona ho etsa sena?” O itse, “Tsoa ho eena,” eaba batemona ba a baleha. Ehlide, O itsebile E e ne e le Messia.

²⁷⁶ Lebitleng la Lazaro, a se a shoele matsatsi a mane. Ba itse, “Holane Ua ba mona, Morena, a ka be a sa shoa.”

²⁷⁷ O itse, “Ke ’Na tsoho le Bophelo.” Amen! E seng kae, neng, kapa joang. “Ea lumelang ho ’Na, leha a shoele, o tla phela.” Amen. O Itsebile na e ne e le Mang. O tsebile na E ne e le eng. O tsebile E ne e le Emmanuel. O tsebile E ne e le tsoho. O tsebile E ne e le Bophelo. O tsebile bottlalo ba boMolimo bo ahile ka Eena ka ’mele. O bone bathoana bao mono, ’me O bone seo Molimo a Mo laetseng ho se etsa lekhatheng leo, ’me keha A eme mono. A theohela tlase mono.

²⁷⁸ Ha A re, “Joale, beang butle, Ke sa tla rapela mona. Le lona bohole le khumame le rapele.” O itse, “Lea lumela Ke khona ho etsa see?” Amen. O botsitse hoo.

²⁷⁹ E ne e se Eena; e ne e le bona. “Ee, Morena, kea lumela hobane U Mora Molimo ea neng a tla tla lefatšeng.” Oh, khili! Ke Eo a tsebahatsoa. Ntho e ’ngoe e tlameha ho esahala.

²⁸⁰ “Lazaro, tsoa moo!” O buile, ’me eaba monna ea shoeleng o a tsoa. E seng, “na ebe Nka khona?” A mpa a e bua. Mohla tumelo e ne e khahlanyetsoa, ntho ea etsahala.

²⁸¹ O a bua, O buile, ’me lifofu li bone, liritsa tsa tsamaea, litholo tsa utloa, batemona ba hooeletsa ba tsoa, bafu ba tsoha, ntho ka ’ngoe. Hobane’ng? Ha A ka a rapelisisa. E ne e le Messia ea tlotsitsoeng. E ne e le Messia eo. O tsebile e le Eena. O tsebile phaposi ea Hae. O tsebile A rometsoe ho etsa hoo. O tsebile Ntate a Mo pakile e le Messia, ho molumeli. ’Me enere ha A kopana le molumeli eo ka tumelo, O buile Lentsoe feela. Batemona ba phasaphsa. E, Monghali. “Bua! Se hooeletse. Bua!” Amen.

²⁸² ’Me O tsebile litokelo tsa Hae tse abiloeng ke Molimo, empa rōna ha re khone. O tsebile seo A na a le sona. Ha re khone.

²⁸³ Moshe o ne a lebetse. Samsone o utloisisitse. Ba bang ba utloisisitse. Joshua o utloisisitse. Moshe a lebala. Molimo oa tlameha ho mo hopotsa eona. O itse, “U hooeletsa ho ’Na ka life? Ke u rometse ho phetha mosebetsi. Bua, ’me u hatele pele morerong oa hao. Ke u boleletse u tla fihla thabeng ena. Nka bana bao u ba tsamaise. Bua feela. Ha Ke tsotelle se u etileng pele, se tlose tseleng. Ke u fa matla ho e etsa. Ke buile... U hlahisitse lintsintsi le matsetse ka puo, le popo, le lintho tse kang tseo. Joale u ntse u Nkhooeletsa ka life? U tlela’ng ho ’Na, u ntse u hloliea ka lintho tsena? Bua feela ’me u e bone ha e tsamaea, ke phetho.” Oh, khili! Oh, ka moo ke e ratang!

²⁸⁴ Mona, Jesu, sohle seo A se buileng, O buile Lentsoe feela, 'me ha eba joalo. Molimo o no o Mo pakile e le Mora oa Hae ka botlalo. "Enoa ke Mora oa Ka eo Ke khahlisoang ke Eena. Mo utloeng."

²⁸⁵ Mo shebeng. Ke rata sena. Sebete seo, ka moo A emeng ka bolaoli pontšeng ea baseholli ba Hae. Amen. O itse, "Qhaqhang tempele ena, 'na Ke tla rapela Ntate ho bona na O re'ng mabapi le eona"? "Qhaqhang tempele ena, 'me Ke tla e tsosa hape, ka matsatsi a mararo." E seng, "Ke tšepa joalo; Ke tla leka joalo." "Ke tla e etsa!" Hobaneng? Lengolo le itsalo.

²⁸⁶ Lona Lengolo le Mo tlalehileng a tla tsosa 'mele oa Hae, le re fa borena, Matla. Amen! "Ka Lebitso la Ka ba tla leleka batemona, ba tla bua ka lipuo tse ncha; ba tla tšoara linoha, kapa ha ba enoa tse bolaeang, li ke ke tsa ba ntša kotsi; ba ha bea matsoho holim'a bakuli, ba tla fola."

"U Nkhooelletska ka life? Bua, 'me u tsoelepele." Oh, ka sebete ke...

"Qhaqhang tempele ena, Ke tla e tsosa hape." Oh!

²⁸⁷ 'Me le hopole joale, (rea koala), e ne e le eena Eo. Ke eena Ea itseng, ho Johanne 14:12, e... "Ea lumelang ho 'Na, mesebetsi eo Ke e etsang o tla e etsa le eena." Ho joalo na? [Phutheho e re, "Amen."—Mong.] Ke Eena ea boletseng hoo.

²⁸⁸ E ne e le Jesu, ho Mareka 11:24, ea itseng, "Ha u ka re ho thaba ena," e seng ha u ka rapela thaba ena. "Ha u ka re ho thaba ena, 'sutha,' 'me u sa belaele pelong ea hao, u mpa u lumela seo u se buileng se tla hlaha, u ka fumana seo u se boletseng." Joale uena, ha u bua ka kakanyo, e ke ke ea etsahala. Empa ntho haele ka ho uena, e reng u—u tlotselitsoe mosebetsi, 'me u tseba e le thato ea Molimo ho e etsa, 'me u ka e bua, e tlameha ho etsahala. "Ekare ha uena..."

²⁸⁹ Ke Eena ea boletseng sena. "Ha le lula ho 'Na, le Mantsoe a Ka a lula ka ho lona, kopang seo le se batlang 'me le tla se etsetsoa." Oh, khili! Oh, khili! Le bona seo ke se bolela'ng? [Phutheho e re, "Amen."—Mong.]

²⁹⁰ Phepi ka taba ena, empa e phahama ka ho 'na feela. Ke tlameha ho e bua. Ke eena Ea buileng, tsatsing leo holimo mono, har'a meru eo, "Ha u fumane letšolo." Eaba O bopa mesamane e meraro ea lifate eeme ka pel'a rōna mono. Ke eng? Ho bua lentsoe feela, ho re, "Li tla hlaha mane, le mane, le mane," 'me ke tseo. Ke Eena ea entseng hoo.

²⁹¹ Charlie, Rodney, E ne e le Eena tlase mono Kentucky; le Nellie, Margie, le lona kaofela. E ne e le Eena, oona Molimo o nong o le morao mono o buileng le Moshe, ho re, "U Nkhooeletska ka life? Bua lentsoe!" E ne e le Eena ea li bopileng. Ke Oona. Ke Eena. Oh, khili!

²⁹² E ne le Eena ea abileng pono eo nako e ka ka selemo e fetileng, ea boletseng re tla fihla mono, 'me teng Litiiso tse

Supileng tsena, le kamoo ho tla hlaha e—e—e—e sealuma se seholo se tla qhome, 'me a tla hlaha ka sebopeho sa piramide. 'Me mono *Look* mag—... *Life* magazine o e hlahisitse, e fanyehiloe mono leboteng. E ne e le Eena ea buileng seo.

²⁹³ E ne e le Eena, bosiu mohla ke bonang mamba ea tonana e le mothating oa ho tšoara moena oa ka. 'Me A re, "U file... u filoe Matla a ho e tlama, kapa efe feela har'a tsona." E ne e le Eena ea boletseng joalo.

²⁹⁴ Ho mohats'a ka ea hloho-putsoa ea lutseng morao mane: E ne e le Eena hoseng hoo, ea ntsoitseng ka phaposing, le ho ema khoneng, ha thoe, "U se tšabe ho etsa letho, kapa ho ea hohle, kapa ho bua letho, hobane Sefahleho se sa hloleheng sa Jesu Kreste se na le uena hohle moo u eang teng."

²⁹⁵ E ne e le Eena koana Khohlong ea Sabino, likhoeli tse ka bang tharo tse fetileng, ha ke ntse ke rapela, ke ipotsa se tla hlaha. Ke eme mono, eaba sabole e khohlela letsohong la ka, me ha thoe, "Ena ke Sabole ea Morena." E ne e le Eena.

²⁹⁶ E ne e le Eena ea itseng ho 'na, "Joaleka ha Ke bile le Moshe, le uena Ke tla u roma joalo."

²⁹⁷ E ne e le Eena ea mpoleletseng, lilemo tse mashome a mararo tse fetileng, tlase koana nokeng, ke sa le moshanyana. Ke eme mono ke le moreri e mocha, holim'a noka, lilemo tse mashome a mararo tse fetileng, ho ema mono mohla Leseli leo, eona Topallo eo ea Mollo, e theohang maholimong 'me e ema mono, 'me e re, "Joaloka ha Ke romile Johanne Mokolobetsi ho etella ho tla ha Kreste la ho qala, Molaetsa oa hao o tla etella ho Khutla Labobeli," lefatšeng lohle. E ne e ka etsahala joang, athe moruti oa ka ka sebele o ntšehele a ba a e soma? Empa e etsahetse ka nepahalo eo. E ne e le Eena ea e buileng. E, monghali!

²⁹⁸ Oh, kamoo e ne e le Eena ea buileng ka boporfeta, ka pono, "E tla etsahala." E ne e le Eena ea boletseng, "Ekare e mong har'a lona ha a porofeta, kapa a bona pono, 'me a e bolela, 'me e hlaha; le hopole hobane hase eena, ke 'Na. Ke na le eena." Oh, khili! Nka tsoelapele ka reng, ka bua ke re Eena, ke Eena, ke Eena!

²⁹⁹ Ke Eena ea theohileng, mohla ke ba bolelleng ke re Topallo ea Mollimo e ne e theohetse mono holim'a noka, 'me ba sa e lumele. E ne e le Eena tlase mono har'a, mohla moreri eo oa Baptise, ka pel'a batho ba liketse tse mashome a mararo bosiung boo, koana Sam Houston Colosseum, mohla Lengeloi leo la Morena le 'nkuoang setšoants'o sa Lona, ho ema mono. E ne e le Eena, maobane, kajeno, le ka hosafeleng.

³⁰⁰ E ne e le Eena ea tlalehileng lintho tsena tse tlang ho hlaha. E ne e le Eena ea buileng sena. E ne e le Eena ea entseng lintho tsena. Ke Eena maobane, kajeno, le ka hosafeleng. O entse tsohle ka nepahalo eo A boletseng A tla e etsa ka eona. Amen.

³⁰¹ Hobane'ng ke tlameha ho ema? Molimo o netefalitse Lentsoe. Ke 'Nete. Ha re keneng leetong. Ha re tsamaeeng. Ha re keneng motsamaong oa Morena, re lahlele lipaelo tsohle ka thoko, libe tsohle. Hloekisa ntlo, e fale ka hohle.

³⁰² Joaleka ha pono ea Junior Jackson e boletse, ho sa sala letho haese lilampi; kapa toro ea hae, haeba a lutse mona. Keha ho sa sala letho haese lilampi, 'me li tlamiloe linyepa tsa gauta, toro a mpoleletseng eona bosiu bo bong. Oh, khili!

³⁰³ Moena Collins, u se tšoenyehe ka hlapi eo. E ne e le tšoeu. U mpa u sa tsebe ho e tšoara ka nepahalo.

³⁰⁴ Lahlela sohle khahlano le Lona ka thoko. Hopolang, ena ke 'Nete, ho sa tsottelehe ekare Ke bohlanya ha kakang, le ntho eohle, ka linako tse ling. Khema le Lona ka ho tšoana. Ke Moea o Halalelang. Oona Molimo o tsositseng Jesu Kreste bafung, Oona o ka bopang lintho ka polelo, Oona o phetseng mehleng ea Moshe, esale oona kajeno.

³⁰⁵ Pitso ea Hae letsatsing lena la ho qetela, O e netefalitse. "Joaleka matsatsing a Sodoma, ho tla ba joalo ho Khutleng ha Mora motho." O entse... Sodoma ke eo tlase mono. Billy Graham le Oral Roberts ka ntle mono. 'Me le Kereke e tsoelapele, ka tsona lipontšo tseo A li tsepisitseng, libakeng tseo bobeli, 'me ke tseo. Ke Eena ea e buileng.

³⁰⁶ Oho Morena, mphe sebete, ke thapelo ea ka. Nthuse, oho Morena Molimo.

Ke tlameha ho khaotsa mona. Linako li palamane.

³⁰⁷ "U llelang ho 'Na? U llelang ho 'Na, athe ke kholisitse hobane Ke na le uena? Na ha Ke a folisa bakuli ba hao," A ka rialo? "Na ha Ke a u bolella lintho tse hlahileng ka tsepamo? Moruti oa hao a ke ke a etsa hoo. 'Na! A ke ke a khona; ke motho. Ke 'Na, Morena," O ne a tla rialo. "Ke 'na Ea entseng sena. Ke 'Na ea 'molellang ho bua lintho tsena. Hase eena. Ke Puo ea ka. Ke 'Na ea tsosang bafu ba lona ha ba oela fatše. Ke 'Na ea folisang bakuli. Ke 'Na tlalehang lintho tsena pele. Ke 'Na ea pholosang. Ke 'Na ea etsang tsepiso."

³⁰⁸ Molimo, mphe sebete ho tšoara Sabole eo ea Lentsoe leo A le kentseng letsohong la ka lilemong tse ka bang mashome a mararo le metso e meraro tse fetileng, le ho e tšoara le ho hoanta ke qatsohela pele Khulong ea Boraro, ke thapelo ea ka.

Ha re inamiseng lihloho tsa rōna.

³⁰⁹ Ntate oa Lehlimo, hora e ntse e feta, empa Lentsoe le eketsa monate. Joaloka ha re e bona, Morena, nako ka mora nako, Sefahleho se sa hloleheng sa Kreste se kopana le rōna ka mehla. Kamoo ke U lebohang ka mosa oa Hao! Kamoo U re babaletseng 'me oa ba oa... 'me oa re hlohonolofatsa, kamoo re U lebohang ka eona!

³¹⁰ Ke sa t̄soere lisakatuku tsena letsohong la ka, Morena, ke batho ba nang le tumelo, ba lumelang Sena. Letemona ka leng, boloetse ka bong bo lelekoe bathong. 'Me ke laela moea ka mong ka mona; o litsila, 'me e se oa Molimo, moea ka mong oa mahloko, le maloetse ohle le mahlomola. Ha rea robala seriting sa motho, etsoe ho ka itokela, empa re tlas'a seriti sa Evangelii, e leng Evangelii e netefalitsoeng.

³¹¹ Ere Topallo e kholo ea Mollo e sa tsamaela pele le morao ka mohahong oona, Eona eo Molimo a kileng a nyarela ka eona, 'me Leoatle le Lefubelu la sutha tseleng ea lona, eaba Israele o a feta. Empa joale A sa talima, e fafalitsoe ka Mali a Mora oa Hae ka Sebele, ka mohau le khauhelo. Re ke re be le kutlo. Kajeno re lese ho bua, ho lla. Re elelloe hoba O re bilelitse mosebetsi ona. Ena ke eona hora. Ke bua ka Lebitso la Jesu Kreste, lefu ka leng le lelekoe sebakeng sena.

³¹² Monna e mong le e mong le mosali, ea bitsang Lebitso la Jesu Kreste, a khetho bophelo ba hae bocha kajeno. Ke khetha ba ka, Morena, holim'a aletare ea thapelo. Ke ithobatsa fatše, ke lihlong 'me ke sokolela hloho ea ka mobung oo ke tsoileng ho oona oo U ntsitseng ho oona. Morena Molimo, ke masoabi ka bofokoli ba ka le ho se lumele. E t̄soarele, Morena. Mphe sebete. Re fe sebete bohole.

³¹³ Ke ikutloa, joaleka Moshe, bohole re tsoile re kene tseleng. Ha re batle ho siea le a le mong. Re batla ho nka e mong le e mong, Morena. Ke ba Hao. Ke ba tsekela Uena. Hlohonolofatsa batho bana kajeno, Morena. Aba sena. 'Me u ntlohonolofatse, le bona 'moho, Ntate, 'me Lebitso la Hao le tla rorisoa. Tlotliso ea Hao e tla ba ea Hao. Re fe tumelo ena ea Bosafeleng, Morena, re sa inehela ho Uena joale.

³¹⁴ 'Na, holim'a Bibele ena le holim'a kalana ena, ke U neela bophelo ba ka, Morena. Ke it̄sepisitse ka t̄sepiso ka 'ngoe eo U e entseng. Kea tseba li tla thasisetsoa. Kea li tseba ke 'Nete. Mphe sebete ho bolela Mantsoe ana. Mphe sebete, Morena. Ntataisetse ho seo ke tla se etsa 'me ke tla se bua. Ke ineela Uena, le kereke ena, hammoho le eona, Morena, ka Lebitso la Jesu Kreste. Amen.

Tumelo ea ka . . . ho Uena,
Uena Konyana ea Kalvari,
'Moloki ea Khethehang;
Nkutloe joale kea rapela,
Tlosa libe tshole tsa ka,
Oho ho tloha kajeno
Ke be oa Hao ruri!

³¹⁵ Joale ha re emeng, ka khutso, re sa e binela ka marameng. [Moena Branham le phutheho ba binela, *Tumelo Ea Ka E Lelala Ho Uena* ka marameng—Mong.]

. . . ho Uena,
Uena Konyana . . .

Ha re Mo phamisetseng matsoho feels joale.

Oho 'Moloki . . .

Ikhetheleng Molimo joale.

Nkutloe joale kea rapela,
Tlosa tsohle lipelaelo,
Oho ho tloha kajeno
Ke be oa Hao riri!

³¹⁶ Joale 'moho, re phahamisitse matsoho a rōna. [Phutheho e phetha thapelo ena, e latetse Moena Branham—Mong.] Morena Jesu, [Morena Jesu,] 'na joale ['na joale] ke ineela Uena, [ke ineela Uena,] bophelong ba tšebetso, [bophelong ba tšebetso,] bohloeki ho feta, [bohloeki ho feta,] tumelo e totileng, kea lla, [tumelo e totileng, kea lla,] ke tle ke [ke tle ke] be mohlanka ea amohelehang ho feta [mohlanka ea amohelehang ho feta] bophelong ba ka bo tlang, [bophelong ba ka bo tlang,] ho feta kamoo ke khonneng [ho feta kamoo ke khonneng] bophelong bo fetileng, [bophelong bo fetileng,] Tšoarela ho se lumele ha ka, [Tšoarela ho se lumele ha ka,] le ho re khutlisetsa [le ho re khutlisetsa] Tumelo [Tumelo] e kileng ea neoa bahalaleli. [e kileng ea neoa bahalaleli.] Ke ineela Uena, [Ke ineela Uena,] Ka Lebitso la Jesu Kreste. [Ka Lebitso la Jesu Kreste.]

³¹⁷ Joale re sa inamisa lihloho tsa rōna.

Tseleng ea ka e lifi,
Ha mapalesapelo a ntika,
Eba Mosupatsela oa ka;
Fetolela lefifi ho leseli,
Hlatsoa tšabo tsohle tsa ka,
Ke se lahlehe bo
Ka sutha ho Uena.

³¹⁸ Re sa inamisa lihloho tsa rōna joale. Le ikutloa Molaetsa oa hoseng o le thusitse? [Phutheho e re, "Amen."—Mong.] O le khothalitse? ["Amen."] Ha le batla, phahamisetsang matsoho a lona ho Molimo, le re, "Molimo, kea U leboha." ["Molimo, kea U leboha."] Ke phahamisitse matsoho a ka bobeli, hobane ke ikutloa o—o nthusitse hona. O nkhothalitse.

³¹⁹ Ke buile lintho tse ling, ke hopotseng ke sa tl'o li bua, empa li se builoe. Ebile taeo ho 'na. Ke iphumane ke sa kena tseleng eo ke neng ke e hopotse, empa ke iphumane ke le molato ho lla ka linako tsohle, sebakeng sa ho bua.

³²⁰ Molimo, nthuse, ho qala horeng ena, ke tle ke be mohlanka ea ineetseng ho feta.

³²¹ Ha re rapelle 'na ke inotši. Ke rapella le lona, hape, hoo, 'moho, re le 'Mele oa Kreste, o bitsitsoeng lefatšeng, o itokisetsang Lefatše la pallo, hore Molimo a tla a mphe sebete

ho bua ka tsela, ho hleka le tle se fapohe tselana. Ke bolela, lona ka mohau oa Molimo, ke tla latela mehlala e Mali ea Eo Ea re eteletseng pele.

Fapano sena se hloko ke tla se jara,
Lefu le be le ntokolle,
Ke nto ea Hae, ho roala moqhaka,
Ke beetsoe moqhaka teng.

³²² Re U abela sena, Ntate, boineelo ba rōna, ka Lebitso la Jesu Kreste, Mora o Hao. Amen.

³²³ [Moena o bua ka puo e sele. Sekheo lebantseng—Mong.]

³²⁴ Re leboha Morena ka sena. Ho tsamaea bophelo bo ineehetseng. Ako ikhethelle, ho ba mosa, ho ba boikokobetso. Ho tsamaea ka Moea. Tsamaea, bua, apara, itšoare joaleka Bakreste, boithobo le mosa. Le se lumelle sena ho hloleha joale. Puo ea Molimo e bua ka Lentsoe, e bua ka lineo. Neo e 'ngoe ha e fihla, e 'ngoe e a e hlalosa, neo e 'ngoe e a fihla 'me e 'ngoe e hlalosa ntho eona eo. Ua bona, ehlile seo se nepana le Lentsoe 'me se tobana le hora. Molimo o na le rōna. Re Mo leboha hakakang ka eona! Joale ke ntho ea rōna . . .

³²⁵ Ka lihloho tsa rōna tse inameng, ha khaitseli ea rōna a ka re fa lehlaso la:

Inkele 'Bitso la Jesu,
Ke thebe sefing ka seng;
Le ha meleko e u lika,
Bitsa 'Bitso leo thapelong.

³²⁶ Feela, etsa hoo, bua Lentsoe 'me u bitse Lebitso la Hae. Ha re bineng joale re sa—re sa qhalana.

Inkele 'Bitso la Jesu,
Ke thebe . . . le tllokotsi;
Le tla u thabisa le u tšelise,
Oh, le nke hohle moo eang teng.
'Bitso le ratoang . . .

³²⁷ Joale ha re tsukutlaneng ka matsoho, re re, "Ke tla u rapella, moena, le uena u nthapelle."

. . . Lehlimo;
'Bitso le ratoang, 'Bitso le ratoang, oho le monate!
Tšepo ea lefatše le thabo . . .

³²⁸ Joale ka lihloho tsa rōna tse inameng, ha re bineng seratsoana se latelang sena.

Inkele 'Bitso la Jesu,
Ke thebe sefing ka seng;
Ha meleko e u lika,
Bitsa 'Bitso leo thapelong.

'Bitso le ratoang, 'Bitso le ratoang; oho le monate! oho le monate!

Tšepo ea lefatše thabo ea Leholimo;

'Bitso le ratoang, oho le monate!

Tšepo ea lefatše le thabo ea Leholimo.

³²⁹ Ka lihloho tsa rōna tse inameng joale, le lipelo tsa rōna le eona, ka temoho ea hobane Jesu o boletse, "Ea utloang Mantsoe a Ka 'me a lumela ho Ea Nthomileng, o na le Bophelo ba kamehla 'me a ke ke a tla Kahlolong, empa o tlöhile lefung ho kena Bophelong." Ho tseba hobane rōna, ka mohau oa Molimo, re ruile hoo ka sefubeng sa rōna; ka boikhethelo ho Eena hoseng hona, bo reng maphelo a rōna a tla fetoha, ho qala tsatsing lena ho tsoella, bo reng re tla kholiseha ho feta monahanong oa rōna. Re tla leka ho phela ka mosa le boikkobetso, hoo, re lumela hoba seo re se kopang Molimo, Molimo o tla se abela e mong le e mong. 'Me re ke ke ra bua hampe khahlano le e mong, kapa motho ofe. Re tla rapella lira tsa rōna re li rate, ba re etsang hampe re ba etse hantle. Molimo ke Moahloli oa ho lokileng le ho phoso. Ke e . . .

³³⁰ Holim'a motheo ona, le ka lihloho tsa rōna tse inameng, ke tla kopa motoalle oa rōna ea lokileng, Moena Lee Vayle, haeba a ka qhala mokhupi ka polelo ea thapelo. Moena Vayle. 

U HOOELLETSANG? BUA! SST63-0714M
(Why Cry? Speak!)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng, Phupu 14, 1963, mane Tabernakeleng ya Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org